



12363

石園全集卷第五

問津草

放廢兵梗不獲南旋舟過津門時兄歎函建節其地勉
留數月然亦覺無聊甚矣因在津有詩遂曰問津亦見
斯世絕無桃花源無津可問而問津於此不令劉子驥
笑人千載之上哉鐵山司空與余同止復先我南發二
三知色恐有相念者幸出以示之亦曰某北征而未返
君其問諸水濱

詩三十一首

戊子

時留家計
丞署中

辛盤交錯薦觥籌又見東風款敝裘世業新從兒子課

石園全集卷第五

香雪堂

天涯却為老兄留清衙積雪晴光轉畫戟凝寒海氣浮
獨有鄉園頻入夢閒身今已付滄洲

隨筆

脫却朝衣賦遂初生涯只合侶樵漁春來勝事還堪賞
婦解吟詩予讀書

和王鐵山少司空

長堤漠漠散荒煙滿路寒鴉噪野田世事波濤舟楫外
中原涕淚酒杯前關河夢斷殘歸鶴霄漢星迴冷麗娟
何處笳音催晚角牙旗獵獵水雲邊

春社後三日二首

朝來日暖放蠶衙夢到家山未到家春去每思河畔草

泉新誰寄雨前茶閒觀燕子營新宇忽聽鶯聲問落花
記得江邨邨社後聞闌豎鼓雜鳴蛙
盡日無人到楊花故故飛忽驚新雨過幸未典春衣

寒食

春深曾未事春遊每到花開憶故丘是處烽煙寧禁火
誰家荆棘可浮舟杏供酥酪歸營戍柳暗鞦韆入畫樓
寂寞漢宮空悵望鶯聲無柰喚閒愁

世事清明日津門同家中丞紱函拜忠肅叔祖遺祠

感賦三首

凜然生氣自千秋共說甘棠此地留海國旌旄堪繼武
天涯書劍媿詒謀斷魂草色行人度濺涕煙波鳥語愁
為肖音容疑彷彿一尊寒薦古河流

石園全集卷第五

二

香雪堂

相將兄弟拜遺祠祖德於今永去思寒食禁煙無舊火
峴山墮淚有殘碑荒城抱水晴沙合老樹含花夕照遲
世事蒼茫那可問傷心敢令九原知
曾隨閱射古城西壁壘新營甲仗齊此日黃埃呼斷雁
當時白羽走潛鯢霏微柳色縈新綠歷落潮聲拍舊堤
二十餘年成底事鄉關極目野雲迷

展先祠後同鐵山少司空泛舟縱飲歸而月已

上矣

十年未上木蘭船恰好輕舸載兩仙春事蹉跎芳草外
客懷寥落夕陽前徵歌漫逐波聲發痛飲真堪海氣連

爲愛月明歸故晚滿城燈火起新煙

送王鐵山少司空南歸五首

并序

丁亥春夏間余與鐵山少司空先後解組歲晚出都門寓津門者數閱月春風夜月時相往過彈碁酌酒走馬泛舟每遊必醉醉必有詩坡公所謂何處無月獨少閒人如吾兩人諾爲今日語也冰判水生約以方舟南歸逡巡徂夏會聞江鄉多故余不得不遲遲其行司空飄然先發殊深離別之感得詩五章輒以爲贈情之所至不自計其工拙秋風一起余亦思卜居甕湖故未及之

辜負津門幾月雷那堪客裏送行舟天涯蹤迹憐同病

岐路煙光忍獨遊柳色晴飛縈漢苑桃花水直到秦郵

石園全集卷第五

三

香雪堂

君家一似春歸易笑指元龍百尺樓

海國潮生日欲斜樓船簫鼓雜鳴笳風翻麥浪移帆影岸落榆錢隱釣叉開徑未荒彭澤柳爲園却種邵平瓜殷勤十里雷塘路賸水殘山帶暮霞

夏木初森鳥亂啼權歌聲度野雲低一尊夜對滄江晚二水晴分草樹迷歸去高風推甕社由來往事話隋隄照人祇有三沽月爲寄愁心過竹西

何事東歸計未成纔聞擊楫旅魂驚風生成鼓干戈滿權入淮河枕簟清碁局每能敲夜月酒兵時與破愁城離懷別有關心處極目煙波去住情

留君無柰妒君還沙暗河橋水一灣身世漫憐雙鬢老
江湖寧得幾人閒登樓有賦宜招隱卜築無錢寄買山
爲愛醉鄉深處好秋風應待掃柴關

春暮

餘寒全未試春紗雨過廉纖夜浣花遊屐分香霽野徑
靚妝落翠悵天涯微雲濡葉閒飄砌薄霧吹煙細品茶
爲惜芳菲歌窈莫碧窗桐影亂橫斜

初夏夜夢得詩一聯起而足成之

他鄉爲客久徙倚問琴尊微徑通雲脚空庭受月痕
漏聲因夏促蟲響入宵餘歸翼飛難定悠悠想故園

古寺

石園全集卷第五

四

香雪堂

古寺倚巒峴秋空泥露寒徑深來客少僧老得禪安乞
米朝煙斷翻經夜月殘山林應有癖欲去且盤桓

立春日雪

樓託天涯少結鄰荒城愁見歲華新忽驚雪片催殘臘
爲報梅花逗早春榆社辛盤深客夢關山羌笛暗邊城
閒挑菜甲供邨釀且共妻兒潞水濱

人日

野館春生又一時青韶漸麗日遲遲久經冀北開萱葉
空憶江南唱竹枝思發每驚歸雁語故人誰寄草堂詩
菜羹煮似蓴羹美依舊風光客子知

春日大雪喜聽兒子讀書

飛霰流輝尺又盈東風昨夜度寒清河冰欲解花難結
曉日和絮暫縈閒砌樹凝分玉色小窗檐溜亂書聲
爲言此際尋春好驢背詩思動旅情

歸夢寓鈔

舟發潞水歸矣然及八寶仍寓焉歸仍夢耶嗟乎十載
飄零幾度患難黃梁南柯閱歷殆盡豈不懷歸而猶浮
家泛宅寄棲於委巷長橋之間其寤也夫昔人云情橫
於內而性伏必外寓於物而後遣寓久則溺心爲當然
非勝是而易之則鬱而不開故余之觸景而鳴亦因求
所以勝之之道乎

詩三十三首

石園全集卷第五

五

香雪堂

歸舟初發津門次友人韻二首

舟行迢遞指江鄉滿路桃花映水光蹤迹原應歸洛社
風波何地匪瞿塘逢人只合開青眼閱世寧堪問熱腸
從此湖山漁笠穩篷窗寘想卽濠梁

芳草離離別帝鄉還餘清夢繞明光風帆幾幅隨征戍
水宿連宵傍野塘歸去依山留傲骨愁來得句覓枯腸
懷人漸覺京華遠落月空疑照屋梁

次流河大風

飽歷風濤萬慮休驚颺奚事拍河流氣噓鶩蜃千帆亂
波撼魚龍一葉浮埽盡落花空舞院何來細雨問靈湫
終宵數起難成寐不待蓴鱸憶故丘

感懷

牽舟細細數歸程風雨連朝擁去旌一路漁歌如贈答
舊時柳色故將迎花飛短櫂三春暮燕掠長河百感生
滿地江湖波浪闊片帆寧與海鷗爭

泊南陽偶過梁家園荒涼甚矣獨湖光山色依
依可人

荒徑蕭疎草滿庭離離花影護殘扃柳巡石磴搖深綠
山帶平湖送遠青亂浦分流蘆荻長游魚驚撥鷺鷥腥
野橋試問何年斷一水盈盈隔小亭

內人夢中得句且有一飯必飲志之

紗窗曉影日遲遲春夢無端動客思為憶千金酬一飯

醒來猶記數行詩

石園全集卷第五

六

香雪堂

送員鶴生司李之任南安

折柳尊前雁度遙天涯送客易魂消秋風庾嶺三千里
明月邗溝廿四橋知有清光隨湛露恨無短櫂溯寒潮
濂溪峻節依然在濂溪先生嘗為南安司李看渡芙蓉涉紫霄芙蓉南安地

中秋八首

并序

庚寅中秋夜泊界首驛驛距八寶不數十里風浪大
作即欲進舟弗能也月明如晝得詩八章時聞兒棋
已至白門

容易三秋半蒼茫一水盈有家皆酌月無地不調笙鼓
角高帆亂蒹葭野渡橫清燈聊獨對延望若為情

明月照孤舟長淮水亂流驚鴻南北顧羌笛古今愁夜
火魚鰕市邨煙葦荻洲登樓空有賦又負一年秋
野樹宵聲動歸林有暮鴉如何依水曲反似隔天涯宰
邇人偏遠風狂浪自花開窗光熠熠雪鷺起平沙
星影透牀扉餘涼上客衣僧鐘來遠寺釣艇度危磯風
雨連宵劇情懷此際違隨波閒泛泛簡點事全非
不敢推篷看寧甘擁被眠空寒光在水浩淼白於天漢
草金盤露星河玉井蓮忽然成假寐疑泛斗牛邊
仍是風波慣歸期可若何明朝能不聚此景惜難多片
月閒砧杵清宵冷芰荷呼童將酒至小飲不成歌

好景即同賞猶憐在異鄉可堪天有月還若地疑霜兒

自供瓜果人誰挹酒榼深閨應念我料未解殘妝

聞說兒曹至羈懷藉少寬十年天共遠永夜月同看即
已荒三徑何當移二難爲延清賞在尊酒且團圓

中秋前二日訪王鐵山司空蝶園風雨大作因

宿焉終宵不寐感賦二首

夜有
微月

狂飈落木雨翻盆有客偏來臥竹軒蝶羽依稀驚曉夢
雁聲斷續入霜痕話殘舊事基爭道讀罷新詩水到門
爲說夜深涼月好撥雲特地一窺園

草堂一望俯城闌岸柳周遭水數巡豈謂蓬蒿堪閉戶
即來風雨亦宜人分亭禮佛閒敲竹開館留賓或饒尊
最愛扁舟籬落泛匏尊相屬倍情親

重九日同黼臣昭緒劉玉為羅九上諸親友及
兒姪輩文昌樓登高

久客厭塵沙南來即是家湖雲肥紫蟹秋雨長黃花鬢
短莫難插風高帽易斜東籬誠可醉一水隔蒹葭

龔芝麓奉常為黼臣弟作竹溪草堂詩用少陵

重過何氏韻遠道相寄意誼良殷走筆和如其
數五首

澄湖天一色津逮擁奇書問月浮輕舫停雲補敝廬林
聲疎遠雁鈞影動潛魚會有千秋約名成未敢居
小砌苔紋亂高枝綠影移同湖上叟歌和郢中兒吹
笛聞緜嶺扶筇怖葛陂夜來風雨至潦倒醉醜籬

為愛花開日還驚雪到時東南饒美箭簫管度新詩虛
影松傳籟寒光露拂絲絃關常不掩疑與故人期
滿院環蒼壁高寒引興長衣冠仍羽獵綦履此櫬槍夜
火魚分饌朝耕鶴代梁碧窗閒睡足車馬任皇皇
六逸人如在蔥青太古年橋危留曉月澗曲響春泉載
酒來黃浦長吟度白田三三還有徑身世總陶然

白門與薛更生話舊次其來韻二首

乍逢春色半浮沈水滿長干蕩夕陰六代煙花滄海夢
十年風雨別離心入山幸我塵機淺出世多君道力深
爭得頭顱寧幾許行行攜手到空林

金陵佳氣未全收還許登臨幾度遊風雨浹旬空對酒

故人一見可忘憂情深此際愁春去話入當年問水流
與子相看惟一醉蒼茫身世付浮漚

辛卯仲春同宗叔則大令招飲即席分得水苔
宜溜色

風物媚華滋顧瞻林壑美春潤響鳴泉清鑑乃在水石
髮梳鄰鄰波光於焉起沈根漬丹礫荒蘚亂且理沿洄
浴朝暉谷煙散霞綺薄月蔓螢流葦藉茵靡絲結蛟
涎膩餘沫衣文鯉物情每相須幻化殊未已誰嗟玉階
塵而歎池火逝浩泮望溟渤迴眸俯坎止我意偕朋儕
采采溪邊芷爲酌廣陵濤懷哉鷓夷子

春過金陵放舟東下攜兒子祺登弘濟寺蓋數

石園全集卷第五

九

香雪堂

度燕磯鼓焉茲遊偶成四律時久雨初晴江山

如畫

燕磯每到不遑留勝日探奇梵剎幽古佛猶傳鍾阜色
唐佛原自
鍾山移來繡花不改秣陵秋層層殿閣依巖骨歷歷山川
護石頭何事歸舟心漫切斜陽空濺水東流

春來風雨妒遊期恰好晴生此一時曲折山腰通鳥徑
峻嶒壑隙寄僧枝魚龍聽水鐘聲遠燕雀棲雲旅夢移
小憩凝眸徒悵望落霞無限暮帆遲

上下扁舟泛渺茫纔循石磴到禪房懸巖積雨殘苔潤
初日烘林老樹香正好依山藏姓字寧煩弔古說興亡
憑高不淺尊前興漫酌長江酒一觴

爛熳桃花間柳條風光兩岸足招邀怡情磯石新亭閣
無磯轉眼雲山舊市朝波影粼粼溶落日梵音細細度
重霄兒曹莫話登臨事故國依微入望遙

題美人小影

輕綃著體不生塵倦立桐陰小欠伸妾恐入宮羞見妒
故將解語讓他人

秋晚泊舟淮陰爲蘧然菴僧書二絕

欲結茅菴古渡邊皇華亭畔且蘧然樓船簫鼓年年度
不博山僧一覺眠

長淮一水任風波來往勞勞閱世多摘取黃花充佛供
月明閒聽夜漁歌

石園全集卷第六

偶遂草

平日讀南陽翁苟全之語多容易視之至今日而知苟全之難也自顧此身如大鵬金翅幾幾瞻烏誰止今得南旋返我初服殆釋鳥於羅縱魚於淵不覺其于于然適也因取杜陵生還偶然遂之句以之名篇曰偶者亦見邀恩不測而為夢想所未敢自必耳

詩三十六首

過泊頭見益肖形年兄承嗣之孫培滋愴焉有懷口占數句似之

一門忠孝自千秋共說芳名古泊頭每念人琴今已遠

石園全集卷第六

香雪堂

長河嗚咽水東流

寄懷黃縣范玉坡相公

范曾巡按江右

先朝欽閣重元勳歸洛聲稱遠邇聞往以澄清同孟博還從憂樂誦希文月明立玉階前樹日擁扶桑海外雲記得采風來鷺水霜華猶帶夕陽曛

夏晚過聊城投贈張蓬兮宮保

望岳樓高維石巖歸來無恙是松杉傳經世業書千卷報主孤忠疏一函

公有禮樂二疏

有地聞開新洛社幾人猶列舊

宮銜時諸老多以他事鑄銜憐余去國情何極還趁秋風飽布帆

舟雨

狂飈急雨響孤湍一枕濤驚暑夢寒紅蓼岸花迷遠渚

綠窗晴影露微山舟牽斷浦蛟涎舞水溢平橋鷺宇寬
自是風波全見慣銷魂還擬讓長安王丞來

浣筆泉

任城東郊相傳為李太白浣筆處

山無別障

浣筆人何在泉流自古今文瀾翻遠浪墨霧染高林夢
繞沈香畔花生采石岑每聞風雨夜彷彿有微吟

癸巳初秋遊南陽湖因登獨山有作

併序

山有朝陽洞洞祀玉帝相傳為嶧山飛來者殊不可
信然一老道人以苦行手闢石巖疊石為牆構殿數
極高下楚楚躡磴而上數十級尚不及巔俯視澄湖
蒼潏在几席間而他山圍繞若屏亦一奇觀也歸舟
新月如鈎寒光在水走筆記之

石園全集卷第六

二

香雪堂

清秋幾日南陽泊蓼花零亂菱花落隔湖瞥見數峰青
波光激灩雲霞薄我欲乘興爲勝遊呼共兒曹蕩小舟
草長平湖看瀾漫靈巖遙睇北山頭山山蜿蜒兼迴護
中有一巒成孤注殘荷敗藻礙行楫縹緲煙雲迷去路
伊軋聲聲舳舻來菰蒲撥刺浪花開笑指洞天惟咫尺
何啻海島有蓬萊轉將輕舸中流放簫鼓依微恣搖漾
須臾萬頃瑠璃碧水天一色真彌望依山環繞盡人家
蒼茫颿影動檐牙兒童嘻笑婦豎驚疑是銀河浮漢槎
停橈且復登山寺層層拾級上無際朝陽有洞藏金仙
新巖雲根構初地欲闢蒙茸躡絕巔玉座飛來總漫傳
日落鱗鱗交遠樹柔櫓輕曳泛澄鮮因憶采蓮江南曲

光景流連醉醺醺彭蠡夢想十年餘滄海桑田歎陵谷
君不見赤舄千載誦坡公一葦所如凌秋空又不見鎮
西清宵泊牛渚心賞高人在何許江山今古同超越夜
歸漁火自明滅星河淺澹檣烏起泠泠遠練浸涼月

舟夜同內人小飲

七夕前
一夜

高懸蠟炬照孤舟濁酒深杯自勸酬起視銀河星欲渡
涼宵閒共剥雞頭

邗上別三弟恒甫

豈不懷歸去蓬蒿滿石園思鄉惟有淚別弟亦何言岵
屺山前樹鶴鷄原上邨爲期還里日春暖浪花餘

送卞月華觀察之任荆南

石園全集卷第六

三

香雪堂

幾年淮海藉澄清半壁西南在此行舟過洞庭霜葉滿
雲開衡岳塞煙輕桓溫德澤惟張楚羊祜威名可重荆
酌酒爲言分袂遠邗關落月不勝情

金山二首

屹然砥柱鎮鼇趺具體疑分五岳圖歷落帆檣雲影亂
浮沈島嶼海門孤煙光朝暮江南北樹藹迷離地楚吳
拾級層層臨絕頂狂歌凝望酒頻呼

不欲三山勢並標急流先障敵寒潮靈巖突兀涵仙蛻
古洞參差置佛寮濤擁晴飛京峴雨月明風度廣陵簫
凭高極目堪惆悵一派寒煙鎖六朝

舟過瓜步同鄉蕭瑞廷郡丞招飲即席賦贈

臨川尊宿舊聲聞雪夜邗關始見君幾載分符留楚澤
專城領郡對江雲寒霜夜度金焦月畫戟風生組練軍
話到桑榆情不淺爲停遊櫂醉斜曛

借同宗以理司李舟作三山遊詩以謝之

爲探名勝借仙舟來去真成汗漫遊一櫂煙雲堪擊楫
片帆風雨藉登樓每因泊野同鳧雁敢擬乘槎泛斗牛
自是濟川還用汝載歸明月且夷猶

次陳心山年兄雪中來韻

四十年來尋舊譜三千里外話同鄉訪因安道難廻櫂
飲對公榮可進觴投轄有情堪嘯詠飛花無語漫疎狂
天涯不踐歲寒約共醉春陽且傲霜

甲午元日試筆

石園全集卷第六

四

香雪堂

欣逢物候醉芳新忽閱年華六十春雲冷蓬心還作客
雪含柳眼欲窺人但教歲月高兒女寧使湖山老鳳麟
聞道河冰今漸解桐江一釣繫歸綸

甲午人日偶作

時趙友沂說有傳聞相及故未及之

餘寒尚未放春歸屋角晴生雪影微日喜逢人傳燕綵
老猶作客看鴻飛雪開嶺外花爭發冰判河干水漸肥
散漫江湖情自好誰驚鶴夢到漁磯

黃仍素妹丈往卽墨訪又匡四弟以詩言別依

韻贈之

旅館澹蕭疎春歸客到初家鄉殘夢後風雪夜燈餘老

益懷花萼愁堪杳雁書君行應漸遠詩思灞橋驢

水仙花贈內

素質含金鈿輕煙擁翠裝凌波疑洛浦解佩憶江湘夜
月寒分豔春燈晚韻香琴聲如可譜藉以對清觴

春暮三暘相士過訪口占一絕

稠花乳蝶蕩輕風却傷長淮學釣翁爲語鑪頭休畫火
久知勇退急流中

金陵送劉平田赴召北上二首

握手天涯意倍真相看豈盡爲情親關心身世無窮淚
屈指朋儕有幾人洛社尚堪吾輩老詔書方喜故交新
翹翹日近長安道滿路封軺擁去塵

石園全集卷第六

五

香雪堂

白門新柳未堪愁爲羨京華此壯遊萬里雲霄燕市口
三山風雨林陵秋欲歌短筵殘陽曲且醉長干舊酒樓
去住不須頻繫念蓼花芳草正悠悠

爲太虛僧題古林三世圖

憶昔初遊古林菴曾見尊宿兩和尚爲言開山慧禪師
令人悠然生想像嗣是再作金陵行二老已去徒惆悵
萬竹蕭蕭幽徑閒諄公增公繼龍象今來往事皆成塵
三世祇餘空色相傳神寫照自如如薪盡火傳總無恙
寄言禪和莫輕觀要尋祖庭真喝棒

秋日上敬哉宮詹有詩見懷依韻答寄

書共三秋至情同一往深風清良友思霜老逐臣心藜

草煙光遠槐庭露候侵韋平無限事未許賦歸林

中秋雨餘用兒子裕韻

積水澄空接遠天南來皓魄又重圓寒高鴻雁人驚笛
江冷芙蓉客扣舷已辨荷衣堪臥月爲尋尊菜欲歸田
賡吟況有妻孥樂潦倒何妨醉酒前

附裕兒詩

晴空江漢碧搖天萬里皆從此夕圓何必虎丘方看
月還同牛渚可鳴舷清煙裊裊餘金粟玉露團團入
研田寶炬漫傳銀漏永宮花期插帽檐前

黃甫及舫閣新成再用夏日陳太史韻書贈

飽歷煙波每歎嗟蓬軒高枕夢偏遐斗牛欲泛同張使
書畫閒臨是米家雨過濤驚窗外鳥風迴浪擁檻前花
朋儕共有滄洲約一壑深藏意自賒

元夜雪

律轉花飛溼曉鐘檐斯落影正溶溶冰消應共添新水
雲重兼疑失遠峰每愛灞橋吟鄭絮且披鶴氅效王恭
年來漸悟耕耘樂爲卜豐登報老農

送羅次脩外甥還里並勉長甥醇

天涯聚語若爲情識略相期洛下名

劉璣兄弟居洛乃舅以遠大期之

須信

聞孫宜率祖

甥爲給諫先生裔孫

豈云似舅乃稱甥機聲夜月熊丸

苦

余妹孀居可念

春草池塘蠹簡清勉矣紕庭風節舊好將燈火

共難兄

口占戲效放翁體

久客春歸樂事偏
屠蘇醉飲亦陶然
而今甲子從頭數
再住人間六十年

初春偶闕坡公詩集見有新年五首蓋公在廉州時作也時年六十有一余今歲亦如之爲次
其韻

自是他鄉舊春王復紀元農情紛隴陌客夢到江邨歸雁堂堂去棲鴉故故翻偶嘗新釀美儘可度朝昏

江湖天地滿悵悵欲何之榆社人千里春巢鳥一枝寒生還待雪花發動經時鄴架殘書在殷勤且課兒

風雨三山暗黃流幾度清帆檣連海市角鼓動江城春早鶯先覺湖明草又生梅花空有賦不必擬和羹

物候驚江左晴雲見海東荒荒惟美睡咄咄漫書空臥雪尋高士登山訪醉翁漁樵聞寄語茲意與君同

漸近傳柑節風花著意餘雪光明几席燈火譜林園海陵

問王孫

同色有友人過訪寓舍授以二詩依韻答之

棲託湖濬鳥夢遲且因文酒共支頤蟬慵墨瀋餐雞跖蛛隱荷衫傲鹿皮戎馬歌殘孤劍在風霜字挾一筇隨
山中甲子余空老慙說狀桑紀義熙

時艱未易賦巖阿采采芙蓉覆短蓑話到家山羈客遠

帆吹桑海故人過潭深鉅罽啼兮豹月落瀟湘冷翠蛾
友人倫遊裝粵望望粉榆堪結社扁舟何日醉煙蘿

夏日偕梁公狄徐性之張韜仲素臣弟集同園
酒酣分韻余得訂過湖西草堂限七陽

老淚天涯劇淒其悲未央余有傷女之慟偶同二三子林樾恣徜徉

漾清華湛水木高韻儼羹牆先師祀於同園起視浮雲白淮流分

湯湯鶴唳翦空碧桐陰生晝涼疎簾暮子落吹籟思瀟

湘為言有佳客動操響琳琅知音良足貴古道披縑緗

爰出兩太史筆墨發奇光雲霄擅千載恭敬維梓桑羅楊

二公皆余鄉人勝賞欣遙集意不在壺觴嗟余猶鬱鬱潦倒臥藜

牀欲委寥廓心相期泛湖莊湖莊亦何有伊人闢草堂

牙籤幾萬軸芳樹間修篁種魚鑿新沼藕花散幽香往

往神飛越從之一葦航詞賦鄒枚盛乾坤嵇阮狂谿流

圍寒玉九夏凜冰霜聽彼山陽笛還我薜荔裳我家彭

蠡曲煙波浩渺茫蒼蚪日已遠黃鶻日已翔抗首問黃

虞蕭然感異鄉遐哉伊何子雲月鬱蒼蒼

石園全集卷第六

石園全集卷第六

八

香雪堂

石園全集卷第七

鴻雪草

十七年未返家鄉望故國山川草木真如仙闕瓊舟乙未冬自八寶發舟旋里及從家來則丙申除夕前三日也往來皆值歲晏風雪交加雁聲縹緲而一切恫心觸目之事叢集筆端此鴻雪草所繇作也夫高天排字殊域傳音微爲雪爪之留遠謝弋人之慕亦曰從風而舉銜蘆而翔自鳴於寥廓以紀春秋去來之節耳

詩六十二首

南歸舟次維揚因裕兒還八寶寄內

十六年來尔別離可堪分被歲寒時月明浦水歸帆遠

石園全集卷第七

香雪堂

霜落邗關去權遲從此思鄉頻夜夢祇應寄我有新詩
石麟珍重懷中叶定省殷勤已屬兒

南歸裕兒送至邗關月夜返權依依膝下不能去書以示之

吾兒膝下自依依爲念承歡且暫違北權爲隨寒月遠南帆又逐野雲飛客窗燈火勤師訓子舍晨昏慰母幃
事業千秋惟望汝來年朱夏可期歸

邗關賦謝姜匯思巡釺因憶昔年潞河遠念兼以志感

匡廬一櫂倚歸鴻申岳晴雲見海東漢美使臣鹽鐵論
唐高臺諫轉輸功橋邊柳色明霜月江上梅花映曉驄

來往三年存夢寐情深雨雪洛河中

別門人俞天木侍御

幾載言歸始得歸
高天帆影正霏微
寒霜客過深驪唱
野岸潮迴悵雁飛
媿我江湖行色冷
多君意氣古人稀
聖朝繡斧今方重
莫向庭幃戀綵衣

石城初寒寄內

浹旬獨臥全忘臘
昨夜衾裯始覺寒
寄語深閨應係念
孤舟細雨泊長干

阻風龍江關偶同談
長益過一禪院山僧克明
出雪嶠和尚小像視之恍如當年同蕭伯玉奉
常開先相對時也上有薛更生偈題因坐談廬

石園全集卷第七

二

香雪堂

岳終南之勝歸舟偶成三絕似克明并懷更生
老友

長江風色帶行舟
偶過禪林意自幽
爲喜逢僧相對語
山光南北正當樓

開先曾共奉常遊
庚辰屈指而今十六秋
記得老僧風度

遠忽畱小影大江頭

老友行年八十餘
揮毫猶習蠅頭書
方原賸有誅茅地
風雪何時葺草廬

時爲更老
葺葺茅菴

月夜泊舟似鶴山有懷伯玉

山近
采石

蘆荻蕭蕭野岸間
孤舟倚月聽潺湲
風高鶴鶴聲初落
江冷魚龍夢未還
幾度吹笳懷白紵
何人把酒問青山

舊遊多少存往年曾與白玉同答太白樓事寥落西歸鬢已斑

冬晚登迴瀾磯

何來磯上有荒城攜手登臨百感生歲晚關河供短笛
煙銷甲馬媿長纓蘆花雁帶殘陽色成堞人傳古木鳴
聞築城時
樓鴻三日惟有餘僧三兩輩年年風雨聽潮聲

小除日泊鯉魚背

歸期欲問尚茫然夜夜風濤到枕邊遠岸千帆寒戍火
時楚師舟
帆蔽江中流片石峙江天荒江繫泊忘殘臘野市喧聞
識小年漸有廬山峰色近擬尋匡續共雲煙

乙未歲晚游白鹿洞見聖殿聿新有懷蔡魁吾

制府二首

石園全集卷第七

三

香雪堂

講堂深鎖石崖巔老樹虬蟠不記年似有煙嵐畱太古
還因圖畫契先天有石屏詞
太極圖岡頭月到聞龍臥臥龍岡洞口雲
閒任鹿眠眠鹿石何事勞勞徒仰止高峰瀑雪濺寒泉

千秋聖緒未全湮喜見宮牆殿角新不有此心同此理
誰將斯道覺斯民蒼松翠竹橋門色澗草山花古洞春
讀罷豐碑斜照晚芙蓉天半看嶙峋

除夕寄內

寒燈孤舫坐深宵小市笙歌水國遙餞歲共誰傾柏葉
酺時空自倚蘭橈知兒得句忙書帖念我同懷嬾頌椒
草種宜男庭漸綠春風習習長梅條

丙申元日舟泊吳城三首

一權江湖每問津山川何處不宜人雲連海岱長淮遠
日麗匡廬澤國春古洞祇堪遊鹿豕歲前遊白鹿洞天涯端合報
麒麟殷勤為寄閨中語律紀年華正及申

東風簇景曉煙開有客扁舟泛浪來五老飛流懸碧落
三山接羽下樓臺箏中夢繞梅花賦江上人同竹葉杯
十六年前芳草路王孫依舊逐春回

蕭然一葉返荊荆猶隔文江幾日程曉起雲霞浮楚澤
夜來角鼓動吳城家鄉近處情偏劇物候新時容易驚
昨過湖亭閒眺望河山浩渺聽鴻聲

十五日舟發臨汝未至玉峽泊焉時風雪交加
及夜月明如晝挑燈獨坐偶成三絕

何事春來冷敝裘經旬風雨未曾休山山似占瓊瑤色
不許歸人獨白頭

百感傷心付酒杯故園入望重徘徊子卿不向他鄉老
獨擁旃裘帶雪來

已到家山尚隔程長年三老倍相親六街夜色寒如水
獨自空江看月明

春浮園弔蕭伯玉年兄五首

豈同名勝賞茲地忍重過老樹雲還宿高原鳥自歌湖
寬鐘度梵道古石盤蘿寂寂人何在池渾墨影多

舊是經遊處荒荒不辨門鶯聲閒別墅樵唱過前邨書

洞津難逮花源草易餘誰云天地老板蕩到林園

文章終古在風雨亂山迷欲話當年事惟驚落日低嗟
哉余亦老去矣子何栖耿耿中懷隔煙深竹露啼
惜別自前朝滄桑感窳寥幾尋安石屐空賦屈原招書
種祇疑絕交情未可消君今呼或出一水斷長橋

何年傳鵬賦慧業盡情菱偶記畱鴻爪遺文寵蠹函問
天同伯道免俗重阿咸不朽千秋事高空祕古巖

讀佟觀瀾先生幽憤錄有感往事因成二律

先生
爲度

撫匯白
公尊人

屬草孤臣淚未乾園扉長夜竟漫漫澤流瀛海山河壯
聲斷湘靈日月寒鄂國風波成獄易韓非幽憤說言難
千秋共爲鄒陽訟賴有遺書白寸丹

石園全集卷第一

五

香雪堂

江夏

熊芝岡
先生

籌邊得未曾襄平慷慨任先登逋亾豈肯寬
張儉鈎黨能無禍李膺運旣汗宜忠鬱抑冤將白柰世
夸陵中丞代起真人傑誰道蒼蒼不可憑

游虔州嵯峨寺山僧煮茗相對偶逢楚吳季子

話舊二首

荒城古寺鬱嵯峨夏日幽尋偶一過茗煮清泉來水遠
地矜高阜得山多尚畱餘址營新構時葺修
大上閣且聽殘鐘撫
舊柯最是天涯同勝侶瀟湘風雨問漁蓑

何事牽舟潮急湍每逢勝地足盤桓山當險處頻移櫂
泉有廉名可擊竿欲賦新詩消永晝怕懷昔友減餘歡
年來漸覺行游倦擬選高禪一挂單

遊嵯峨寺晤峻季出覽令先君磊石先生褒忠
綸刻及熊大司馬手書少陵詩卷感賦兼懷熊

仲敬

仲敬爲大司馬次郎

好山入夢喜重登坐揖高巖欲蹋冰自昔貞臣招楚些
由來季子重延陵秋原風雨常啼鴉夏日茶瓜且對僧
寄語樓頭黃鶴侶白門詩酒可忘曾

閏夏過盧子占郡丞故宅感懷

子占以虔城破借其子并友月君同死於水

方城如故舫難尋

宅前有大池曾興三舟

步入荒亭落照陰攜子從

容家並沒有朋激烈淚同斟

月君酌酒同酌

千秋汨水懷幽憤一派滄江共陸沈堂構依然餘劒戟森森夏木野蟬吟

蓮社訪諾諾禪師

石園全集卷第七

六

香雪堂

欲濯雙江暑未消閒從郭外拊寒茗招余僧自開蓮社
送客師疑過虎橋遊岳漫憑方竹杖入林還結小團瓢
相逢最喜忘言說坐聽灘聲響石礁

重書古八境臺額

欲爲江樓復舊名偶然落筆冠平生登臨只覺山川古
憑弔猶疑劒履陳澤國魚龍吹夜浪石城絃管動秋聲
相逢莫漫懷興廢醉挽銀河斗柄橫

冬日南下阻風龍頭山書蕭孟昉舟次

孟昉爲伯玉年兄猶子

每坐晴窗不似舟疑從小院俯林幽

小舟結樞最雅

友朋勝集同

欣賞書畫閒披共較雛偶泊漸鄰南浦水微酣又上北
山頭風煙是處堪畱繫不必空江怨石尤

歲晚自句曲過京口夜宿玉山寺樓次薛開韻
歲月崢嶸又一年可堪仍臥水雲邊兼天雪浪難爲客
滿地江湖且扣禪五夜磬鐘僧夢穩三山風雨佛樓堅
勞勞問渡緣何事媿殺匡廬舊社蓮

丁酉元旦試筆

攜得匡廬五老雲歸來涇上碧氤氳春生柳色河橋綠
日照梅花海甸芬琴瑟聲調千里合壘簾韻叶一庭聞
年華又向天涯度滿飲屠蘇且共醺

寒食

荒城草色動寒煙片片花飛綴紫錢赤羽那堪驚麝篆
綠楊何處影鞦韆龍蛇句冷深山火鷄鶉聲殘細雨天

爲愛客窗錫杏美閒攜春醉小樓前

蕭孟昉移居秦淮納婦漫成八絕賀之

六朝佳麗最秦淮金屋偏宜傍水涯無限春光畱欲住
一簾花雨闌蕭蕭

三春全是看花忙洛浦欣逢解佩璫何處吹簫真引鳳
滿林絃管爲催妝

水邊競唱麗人行仍是鮀華舊帝京漫說琴心心共許

繇來一顧自傾城

新姬
姓顧

夏陰啼鳥接長干繡閣人傳下彩鸞梅萼漸深苔徑滑
綠窗嫋嫋水雲端

畫船簫鼓日遲遲柳外平堤舞柘枝昨夜潮回微雨過

新增波影合歡時

于飛燕燕受風斜
脂盞膏勻芍藥花
響屐乍驚芳夢遠
三山晚落半晴霞

却將旅況盡情刪
比翼鸚鵡永晝閒
小酌鄰沽邨釀美
開軒斜倚看鍾山

新翻一曲大江南
銀漢星高在戶三
繞砌煙生蘭室暖
且尋芳草種宜男

暮春秦淮憶內四首却寄

片帆飛渡大江濱
爲喜桃源可問津

高枕葉波

戶外鶯聲千

里月堂前燕語六朝人
不堪憶處憐芳草
曾幾何時遂晚春
小倦欲眠微雨過
綠窗枝影照紗新

石園全集卷第七

八

香雪堂

金陵偶託一枝安
桃柳春風漸欲殘
兩岸煙花畱短笛
滿林絃管度長干
雲生遠岫宜登閣
月中中庭正倚闌
往事悠悠還記取
河橋攜手共盤桓

渡頭桃葉夕陰斜
陌上香塵蹋紫駟
看竹每尋郊外寺
郵泉爲試雨前茶
空驚江左聞吹笛
誰共淮南數落花
昨日偶然閒步遠
石榴爛熳照晴霞

亭高木末歎勞勞
勝地招邀興欲豪
作客漫遲鍾阜雨
懷人尚隔廣陵濤
東山有約尋歸屐
南畝空餘點玉膏
料得課兒情緒暇
畱春亦自託雲毫

半水園詩五首

爲宋石菴那守賦

無煩選勝狎招尋
戶外煙雲意已深
滿路垂楊浮古砌

半林斜日隱遙岑，攜將洛浦千花雨。洛陽移來牡丹來就鍾山十畝陰。小立閒亭，頻徙倚，一尊微酌對長吟。

半山亭榭，邈如雲太守，風流固不羣。小有林泉，憑客共每邀煙月，與鄰分庭。前石疊，閒呼丈籬，落篁生且對君。隔岸偶傳清嘯，遠閒花點點，妒榴裙。時有所見

夢回春草詠池塘，綠樹陰森水一方。魚鳥機忘疑度影，芰荷蔓引欲浮香。鴻溝未割衣為帶，鐵鎖空沈葦可航。占得一丘居便好，六朝佳麗未全荒。

清風兩袖出夷門，簡點金陵尚有園。五柳琴尊陶令宅，三山絲竹謝公墩。文章假我家聲舊，幼即能文顏色照人古道存。下榻浹旬忘作客，淹留不復記平原。

石園全集卷第七

九

香雪堂

欲向秦淮寄隱淪，天涯且共話情親。漫攤書畫消閒日，別譜笙歌贈遠人。問渡似來桃葉水，傳觴每醉甕頭春。

酒名

浮屠夜夜燈光發，影落平池可逮津。

池上正對報恩禪燈

浣花草堂再集送馮方伯

限東字

共醉離筵，悵引鴻天涯，聲氣聚江東。歌翻雅調，廉纖雨節，御雄藩。船趁風，蜃市珠含，惹葉碧鯨波。日射荔枝紅。仙帆會向湖西度，為寄鄉思，鷺水中。

贈雪樵僧

并序

夏日偶同薛更生過永慶寺，訪雪樵禪師，師舊住余鄉。青原有年，話次依依，因出此。晉卿殿撰詩卷七。

為之慨然。

蕭條古寺倚荒墩

寺額謝墩

花落春歸客到門老友共來談

白法高僧猶自說青原閒翻筆畫人千古微譜林園月

一痕

師善丹青

茅屋茶瓜清晝永鑪香松影坐深軒

端節前一日同鄉舫集

為愛蒲橈劃水輕閒潮偏向此時盈笙歌酒泛長干浦
燈火人遊不夜城山雨欲來新月上窗風微度晚涼生
多情祇有河邊柳為拂清光四座明

五夜余澹心涂次尾及同鄉諸兄招飲河房時

大雨如注經宵不歇醉歸走筆記之

插艾憐時序銜杯共友朋可堪今夜雨偏妒一年燈舫

靜歌聲邈波喧岸影增天涯萍聚處痛飲記吾曾

石園全集卷第七

十

香雪堂

夏日偶憩秦淮補和康小范移居

氣誼千秋鮮不聞草堂人過擬揚雲聽鶯為借江南色

驅馬行空冀北羣為敝蘭軒遲茗友更開竹圃對桐君

晴窗習習鑪煙裊小酌微吟看落曛

介丘禪師偶持郭天門中丞補山堂詩見示不

勝離索之感因走筆屬和却寄

每射石頭如射虎輕或鈞金重或羽滄桑一瞬等浮雲

雞鳴不已愁風雨廿年憂患寄江湖四海空囊興未孤

一望南天歎寥落衡陽歸雁曾有無楚水吳山尺且咫

蟬姑聲聲常過耳瀟湘浩渺正盈盈五岳無煩方寸起

世出世法總未真還宜共置丘壑裏聞說鼓陷自古今

女媧何能將天補幾時相對盡悲歡簡點離懷從頭數
歲月紛紛去堂堂誰向開闢紀洪荒閒來搔首問青蒼
中夜視月月徬徨

同鄉舒固卿爲余寫小影肖甚

藏名湖海任西東誰向天涯問此翁却怪丹青渾欲似
人人開卷識梅公

和錢牧齋先生韻贈友

花開花落幾迴新歌舞年年別有春一水先生王謝客
雙橋香鬢綺羅人逢場怯對杯中酒顧曲歡餘物外身
四海音書頻寄贈蕭蕭四壁未言貧

住白門三月矣季夏朔之三日返櫂八寶簡點

石園全集卷第七

七

香雪堂

舟次止有茉莉一盆詩數十首耳一笑成韻

金陵久客漫沈酣酒舫歌樓鬧不堪避暑喜同良友飲
逃禪閒共老僧參花攜茉莉來千里詩浣薔薇擁一函
抵舍妻兒應笑我滿船明月載江南

石園全集卷第八

東湖隨筆上

豫章會城內有東西二湖徐孺子亭蘇雲卿三洲蔬圃
在焉當年士大夫及諸王孫墨莊書舍朱檻白扉參差
掩映而夾岸桃李不減明聖時或小舟載酒長橋步月
情景依稀至今則蕩為冷風鞠為茂草徒餘一片湖光
照耀西山南浦間余從安宜攜妻孥歸輒僦居其孺於
東稍近習而安焉隨其所見付之長吟蓋以半生遭值
惴恍汗漫祇此荒煙野草為人所棄未嘗過而問者與
余同其寂寥風激籟鳴自為響答一如此湖云爾

詩四十三首

石園全集卷第八

桐廬舟次偶見宛雅數目詩亦拈一律

為愛歸航一葉飄平分二水度金焦鴻聲每共二秋落
海氣常隨四望遙五夜清砧寒遠夢六橋弱柳浸深宵
獨憐七里灘邊水猶接錢塘八月潮

秋日玉山小樓

荒城何處問官衙蔓草離離尚幾家市有小樓堪憩客
庭餘古樹但棲鴉翻飛紅葉掠人媚依舊青山負郭斜
此去鄉關唯一嶺馬蹄纔度又星槎

翰園歲晚

小園高下倚山隈幾度歸來訪舊臺荒徑迢迢尋閣去
老松謾謾聽潮來移將怪石參差列乞得修筠次第栽

最是今年饒勝事東風未度已花開

詩園中山茶續
球各花皆放

除夕

歸來卜宅傍湖雲八蜡歡逢話梓枌
細雨臘殘梅半吐
輕風春到歲平分頻年呼酒堪酬韻
每與內
人分韻
此夕挑燈且課文
時給兒以
文藝求政
謾說岳遊遊履減向平婚嫁尚紛紛

戊戌元旦試筆次日立春

久客歸來歲序遷家鄉風物日暄妍
為賡坡老迎春句
正是溫公入社年城角漫驚催海曙
浦雲閒擁起湖煙
稱觴新喜齊眉好漫插梅花醉酒前

偶閱司馬溫公耆英會詩時年六十有四余亦

如之因次其韻志感

石園全集卷第八

二

香雪堂

甲子慚同洛下春千秋空對物華真
每驚歲序知增老
乍到家鄉始解貧海上燕歸誰是主
門前雀過誤疑賓
尋盟賸有耆英約屈指江城得幾人

正月十三夜雨中試燈

還家纔閱歲春到轉寒凝小院頻聞雨
空庭謾試燈
荒遊屐少市曠戍樓增幾架殘紗舊人傳見未曾
可知江
城之寥

落矣

仲春雪堂少宰招飲蓼水以禁門為隔匆匆驅

歸因次江上清風韻賦謝

春來窳莫滯荒城纔出郊原意已生
滕閣煙花迷燕江
蓼灘風雨聽鴻聲因懷往事情偏劇為話新愁酒漫傾

只恐灞亭逢醉尉良宵空復促嚴程

上巳同內子次兒裕登滕王閣

慵將絲竹問山陰散步江頭春可尋
作記盡刪滕閣賦
箋詩共譜落花吟
彈琴有客傳雍序
捧劍何人出水心
勝日相看纔故國
幾年想像此登臨

春暮偕熊雪堂少宰黎博菴學憲讌集太虛宗

伯滄浪亭觀女伎演牡丹劇歡聚深宵以門禁
爲嚴未得入城趨臥小舟曉起步雪老前韻得

詩四首

比年歸臥共滄江每過談心倒玉缸
搆得草亭剛有半
撥來檀版定無雙
落花滿地愁紅雨
深柳當門耀碧幢

石園全集卷第八

三

香雪堂

一自焚魚傳學士幾回清宴美開窗

無端草色暗晴江
歌舞當筵月滿缸
豔曲旌勳花錫九
香塵染砌燕飛雙
盟聯洛社娛簫管
幟樹騷壇陋節幢
睽越天涯今伎對
疎星點點下檐窗

畱春無計尋芳甸
勝集同疑坐樂宮
落雁千峰黎苑雨
垂楊三月酒旗風
幾從佩珞驚搖翠
不向臙脂怨洗紅
今古鍾情推玉茗
夢回愁絕歎飛蓬

滄浪亭下空流水
誰按霓裳譜舊宮
細轉鶯聲籠澹月
輕翻蝶羽怯迴風
午橋景物人同醉
子夜煙光燭映紅
歸路不愁城柝晚
春江一榻寄漁篷

歸舟過邗關叔則宗兄以詩投別依韻答之今

錄却寄

世路今何似宗門老更真共茲明月夜同作遠遊人我
返舟遊越君行馬過秦臨岐尊酒在不盡此情親

數日舟中無酒戲占

尊空北海片帆孤每泊邨臯且問酤小市有鱗供晚饌
深林無鳥叫提壺莫澆旅况情難遣爲索詩腸句已枯
欲往醉鄉何處覓杖頭閒挂幾青蚨

小除舟中

蹤迹勞勞野水邊每逢歲晚泛歸船兩年俱以歲杪抵舍高灘水折
沙爲岸暖日隄空柳漸煙已分還家仍是客誰云寒盡
可知年江天漠漠情無限如殺漁舟得穩眠

夏日山居迴文

石園全集卷第八

四

香雪堂

園趁滴露凝疎竹徑曲迷雲罨古藤邨樹遠烘斜照晚
浦蓮芳躍曉珠澄尊開共話幽窗客茗瀹聯吟野寺僧
捫徑草深山色暝夢閒憶對坐殘燈

仲夏章門苦雨余以足病偃臥荒城偶披皮韻
美陸魯望郊居倡和詩依韻和之得八章

時聞里中寇警

久客纔歸隱荒城且索居閒緣逃世網病自簡方書菽
米朝餐鶩蓴絲夜蟄魚誰云泥滑滑行矣謝巾車

似覺炎威戢深煙冷石牀澄湖懷孺子高閣弔滕王旭
隱鳩聲苦霞生蝶翅忙商羊頻起舞蒼莽未開疆

姓名常自祕漸喜少人知石選儲園料杭春辦酒資攢

書欣共婦得句莽呼兒四壁無圖畫閒札侶和詩
山遠迷樵徑江深響釣車長懷湖畔月坐對石園花雁
驚依新水藤蘿骨舊家猶聞厭撫字望望折疎麻
撫塵唯脈脈架上有書殘久病閒雙屐深愁冷一竿河
流環縞帶岫霧切雲冠會欲盟鷗羽空灘議築壇
高樓宜聽雨大浸已稽天夢斷依蕉鹿寒餘抱葉蟬無
奇堪問字有客或談兮何日攜琴去匡峰訪谷泉
長夏何人到毋煩草護門遠茶分日鑄疎竹逆雲根樵
唱風生斧菱歌月滿盆新香紛入室庭砌長蘭孫
簡點平生事年來百不能應憐湖海氣漸免鶴猿憎花
落千山曉書閒十道微相期尋野老高臥枕松肱

石園全集卷第八

五

香雪堂

和嘯峰和尚詩

秋風落葉下晴空坐對東湖似釣翁鴻爪微留聲自遠
蛾眉久謝畫徒工誰云緇素情偏異我覺英雄見略同
爲憶翠屏山下路翠屏即青原相從杖屨意何窮

有以畫雞一幅貽兒子裕者爲題數語示之

不須起舞問劉琨五色文成爪距尊課讀芸窗醒午夜
看看曉漏報金門

卓爾內弟移居大木山

久矣厭城市無因返舊林因君乘權去動我住山心
遂隨雲遠漁歌過浦深比鄰親串好在在有知音

省居臥病喜家簡在子和兩孝廉北歸

一夕京朝話應知仕路難文終歸紫禁業且問青山俱
有高堂健欣逢子舍閒竹林堪共醉湖月滿漁竿

冬月講裕兒歸里舟發章江未及生米泊焉

經年不復泛洪濤偶爾揚帆溯小舫欲令爾曹知奕葉
豈因衰老戀蓬蒿星搖碧漢江聲遠霜落丹楓岸影高
望望仙林疑有異九天雞犬下寒臯

舟次示裕兒

吾兒生長在都門盤谷寧知別有邨六代簪纓傳祖澤
累朝劍履荷君恩松筠手植存翰圃堂構行看起石
園歸去爲言敦古誼承歡正好奏篳璫

大江口雨泊憶內

石園全集卷第八

六

香雪堂

客行能幾日旅況遂淒其一雨荒江泊孤舟野樹疑開
窗鷗是友煨芋話同兒爲憶閨中業挑燈讀史時

己亥春日次雪堂少宰韻四首

輕陰漠漠透窗明誰到春來不繫情曙角每從寒雨度
閒愁偏向故園生湖鄰孺子空懸榻醉憶山公動隔城
爲待晴和同放櫂桃花一曲蹋歌行

荒城煙火易云徂誰向芳鄰歎德孤老去書空唯咄咄
閒來觀化總無無半帆風雪常思戴一枕邯鄲幾夢盧
媿殺西歸真失策依稀猶記射陽湖

拄笏朝來曉望西芸編日夕古人稽光浮綠樹星臨檻
手挹洪崖月過溪蓼水庭高三徑好藤花香滿五雲低

兩朝開濟同成夢何處雲羈障紫泥

神光蕭瑟冷雲和每憶春風酒上歌雁羽漫驚紅雪遠
鶯聲漸轉綠楊多豈云芳草偏生怨聞道澄湖已靜波
明月滿船空載詠高燒銀燭意如何

夏日同兒子裕偶遊鹿苑菴時方毀新茶泉水

甚佳喜賦

野館晴生鳥語譁偶尋禪宇問恒沙泉香為喜嘗新茗
徑僻猶堪長舊花首夏蕭疎雲隱樹荒邨瀾漫水浮家
特州中登樓為記藏脩處歎蘚塵封滿院斜

閏月為先君勉襄大事泣感不已偶成四律

艱危歷盡憾終天三十餘年歲月延風木傷心悲馬鬣

石園全集卷第八

香雪堂

雲煙入望憶牛眠登山漫卜新塋在負土祇深老淚漣
痛絕音容看愈遠一棺今始闕重泉

廣柳蕭蕭間白楊可堪陟岵向高岡紫雲有夢神先告

卜地時
有異夢

鵠日多情事克襄營葬十
日皆晴扶杖攀呼憐白髮瘞銘琬

琰賁孳壤原有家忠
肅墓銘我親福澤知何似惟有孫曾滿列行

素車白馬盡鄉邦感惻途人兩淚涼營兆但言鄰鶴藪

為周文
襄公家

表阡敢擬說瀧江趙韜退兵憲文引
歐公瀧江故事梅花案列峰惟五

以五梅花
山作對案

草屋巖懸洞有雙文襄公舊有雙巖
草屋相距咫尺靈爽千秋知不

杳夜看星漢耀晴缸

到來落脈自仙巖山水迴環似不凡鶴弔影疑連白岳

地有白
符山

鷗啼帶淚共染青衫佐樞慙未邀新誥典劇仍宜列

舊銜自媿君親真兩負磨崖竚待有重劔

和花字兼懷雪堂少宰

荒郊落落抱雲斜偶過城南處士家漢史有心焚諫草
秦人何處種桃花當關檄到聲偏杳分韻詩成手不叉
寄語山公休臥穩奴園咫尺是天涯

小集滄浪亭又和型萬來韻

借得閒亭可讀書江天寥落且如如門臨一水能通舫
洲近三墩好結廬小集尊前秋思邈高談世外野情舒
牆頭過酒魚堪釣莫憚頻來慰索居

石園全集卷第九

東湖隨筆下

詩六十三首

三路行

并序

金陵坐困久羽書不通七月下旬中丞張溫如尚書
義憤赫然以江西兵三路齊進爲文壯之次黎博菴
學憲韻得詩六首

金颺何列列秋樹發豪憤轅門大遣兵鞬韉盛矛鏃
令肅風霆但有進無退爲問上將誰中有帷幄在秉節
霜戈鳴水火共礪淬嗟哉江南北淫盜誰爲誨陽侯胡
不波可俟橫梁酌滅此始朝餐計波不遑再

石園全集卷第九

一

香雪堂

相隔千餘里訛言不斷聞澹澹旭日高殺氣千浮雲民
愚不知死翕訛動成羣白水胡爲沸丹楓日以曠樓船
下瀨師濤聲振輦葑何以寒其膽所結惟忠勤幾度傳
捷音巷議仍云云插江看南斗搖曳動星文

仗鉞共執戟大小顧其受古來成奇功亦曰鄰之厚公
侯自腹心干城藉赴趙料敵每伐謀有嘉獲匪醜昨夜
微雨度西風吹劔首無言瓜步劔正堪爲賊誘一鼓而
殲之地動靈夔吼雕弧簇如雲措杯常於肘

東南倚半壁閩楚公歷試一自膺撫循久矣藏其器每
念江右民頻灑賈生淚豈謂切同仇而忘輕鼙肩殷勤
戒徒旅珍重慎田彘師行而糧從胡牀餐乾糲共此朝

廷士不爲將軍地母令玉石焚乃差強人意

蓮伐亦云張軍心貴斂歛所以陰符語字字咸妥帖會
須水陸進彼恃惟舟楫舳舻千里來狐鼠自惕絲豈不
貴持重軍門有限牒置死而始生寧爲狃小捷深入古
所戒不復問勇怯舉酒望長空折賭豎孌

視師章水上頻聽尚書履不嫌微調勤披衣中夜起聞
道楚師過不復淪陽棧王圻惟爪牙匪云急脣齒南北
看會兵捕鹿譬戎掎隻輪不使返一雪三山恥大海雖
瀾瀾視之若沼沚自是可揚塵永言歌寧殺

重九日擬同熊雪堂少宰遊西山兼訪逍遙道

人以風阻弟果次韻

石園全集卷九

二

香雪堂

勝遊良未愜蕭條擁素紈川原隔浩渺波影漾晴瀾庭
梧聞墜葉輕霜弄曉寒豈不憐鵬背而言食馬肝幽谷
有遺音高天度彩鸞起視東湖曲亦復涌驚湍何必登
滕閣作賦才子安跼踖聊爾爾誰云天地寬漸近秋冬
際爲懷良獨難會當共酬唱一笑且成歡

冬夜同集滄浪亭觀女伎演秣陵春次熊少宰

韻十首

誰將江怨入瑩篔桃葉歌聲起暝鷗一段風流成頃刻
香雲繚繞故宮秋

奇緣豈似人間得幻境祇疑指上尋玉樹不知亡國恨

猶從仙子問鸞音

煙光縹緲盪虛舟歸路遥遥不耐愁爲喜芳魂驚合并
小航猶繫古城頭

雪消蠟炬近芳春漫對紅妝擬洛神除却曾懷無可語
尊前色色正宜人

風流文藻迴難論各占梅花第幾邨爲惜梨香殘月色
紛紛鼓瑟向齊門

今古茫茫總未分可堪異代更逢君傷心最是離鴻曲
解贈琵琶不忍焚

殷勤疑唱比紅兒執拂應憐曉夜隨亭外波光流不盡
空教歌舞譜傳奇

話到興亡事事悲婁江筆彩綸漪後堂絲竹渾無柰
空憶先朝舊羽儀

石園全集卷第九

三

香雪堂

人生消得幾金尊檀版嘈嘈歎棗昏只恐樂工貪度曲
一時驚散小遊魂

鐘漏沈沈錦瑟圍鏡花杯影共依稀秣陵春草年年綠
誰向昭陽看燕飛

再和朱遂初都壇八首

玉笙寒徹句猶傳學士鏤空劈彩牋漏下金壺疑落月
夢迴碧漢賦遊仙

明珠十斛購蛾眉誰謂尋芳去較遲落拓江湖還自笑
肯將女寶換台司

子夜新聲月滿梁六朝煙雨綴餘香依違魂夢鍾山側

師子還看擁國王

花下應憐能解語尊前何地可藏春
碧紗窗映長河月
夜聽波聲冷著人

咫尺蓬山路未遙
畫橈幾度隔歸潮
宮商旖旎茵千裂
悔向江南譜洞簫

春回柳眼間
桃顚橫玉爭傳阿濫堆
歌拍欲殘城角曉
聲聲還度女牆來

誰云野草閒來長
爲愛瓊花手自栽
卷却簾櫳看夜色
爲隨絃管一時開

閣高輸得古宜光
爲逐東風伴紫鷺
作合情緣仍似夢
一江流水溯迴腸

石園全集卷第九

四

香雪堂

又和黎博菴學憲三首

滴殘荷葉原非雨
翻落庭花豈是秋
聽罷雷和纔一奏
滿江寒色冷秦樓

當歌瀟灑對羣公
刻燭詩成贈小紅
自是西江原有派
鼓吹香豔敵婁東

甲帳宵承宛轉塵
夜珠誰解泣鮫人
鉛華嫵媚娛尊俎
學得邯鄲亦效顰

庚子上元日偶閱涪翁集見有次答高子勉十
首依韻和之聊以寫懷時久雨乍晴

天似珍佳候曦輪始報迴
燈聲喧市鼓兩氣款途埃
有約巢雲去還應蕩漿來
星橋今夜鎖的的爲誰開

不須嗟忽忽彈指便經旬世每疑歌笑情尤幻鬼神園
爐寒未徹得句酒偏親爲問天津月誰憐度曲人
春光何處是約略逗旗亭鶴欲迷芳箭漁篷亂野汀歸
鴻新舊語永漏短長聽亦自思焚研從前悔識丁
訪友思遺老誅茅選斷坡良辰聊自爾悵語亦奚他寒
側蟲難蟄風回鳥欲歌黃虞知未遠不必覓羊何
喜是聞兒讀閒唯抱膝吟月方驚浣濯雨甚阻登臨湖
水微生闕城居總未深祇疑宵夢冷先與疊重衾
豈謂還鄉久依然署寓公鷺鳥隨黑白蜺蜧紀雌雄卜
繭仍宜俗鞭牛且祝豐因思彌眺望茲意可無同
頗有煙霞想清光此夕何道從弓劍滿香入綺羅多酒

石園全集卷第九

五

香雪堂

債曾酬未游情還健麼春江行可釣急欲理綸蓑
汗漫人間世蕭條萬古心池臺春色轉絲竹夜聲沈梅
落何年雪蓮開幾斛金遙聞翠華度山水動韶音
譙角依風晚宵鐘靜雨餘筮占靈葦竹燈火雜龍魚集
響多新語分光理舊書微吟聊可醉一枕到華胥
我法仍堪用無煩折簡招蹋歌吹雨豔遊騎蹴花饒老
去情無那春歸景欲接依稀荒徑在行矣去云遙

蓼水發舟

但作遊春想輕埃倚懼飛長流纔汗漫短草未芳菲蔬
圃餘鑿柄桐江冷釣磯算來無一可疎雨任霏霏

宿河泊所

久不篷窗臥蕭然一葉歸暮江分市火夜雨亂漁扉岸影移沙晚鐘聲度水微行行春欲半尚未解寒衣

舟晴憶內

雨過江流急晴生野岸明家居渾不覺少別遂關情室有投懷燕郊聞出谷鶯爲期還櫂速把酒聽春聲

舟中

舟行纔遇霽帆落總依塘江月春能媚邨林草欲香壯哉矜鼠雀特舟中
未盡夕矣下牛羊莫漫愁宵泊更聲任短長

謁英佑侯廟

并序

距臨河口十里許爲大洋洲有英佑侯廟聳傑濱江蓋水神也無論遠邇禱輒應如響侯姓蕭洲即其家

石園全集卷第九

六

香雪堂

有女倩季姓者爲余族亦家於斯兩姓子孫世奉香烟輪各數日爲常數百年弗替也余自東駿走江湖飽歷風波每當心動輒得無恙年來舟行上下過神祠必贈以風余心識焉見隄岸爲水崩墮輒草小疏告之四方工已過半未經落成縈縈念慮間今自章江還里復登謁焉時逆風拂拂長年以牽挽爲難今曰無難也風且至矣已而果然始知神之祐余或異於尋常其亦誠之所感乎爰裁一詩記之時庠子仲春之五日也

頻年來往歷江濱每過洲頭拜水神定有長風偏送客每來短櫂正宜人久呼哲匠營新築敢向靈侯敘舊姻

何日工成堪酌酒千秋英爽勒貞珉

仁和道中

知有長年喜風帆逐好晴樵歌通友夢林響雜書聲破
廟仍鐘鼓空營幾甲兵土膏知久潤漸看起春耕

過玉峽望九仙臺

即玉笥山
祈夢處

日暖江流不暫停荒城寥落對遙青半生自笑皆成夢
舉世無人可共惺明月漫迴三峽雨春風空老百花亭
何年更對希夷語爲問先生幾度醒

春晚阻風樟鎮黃嘉卿屠孝思畱飲竟日夜觀
劇徑醉偶賦

如山雪浪滯行舟偶逐求羊盡日畱細雨煙花迷夜月

石園全集卷第九

七

香雪堂

疎燈絃管款春愁詩成底用尋金谷客醉還應謝石尤
何計買山來卜隱一枝高共鹿江頭

偶共覽坡公詩有梅公酸語蓋爲聖俞詠也遠
山舉以相戲走筆一絮

漫言蹋雪尋猶易轉覺調羹事亦難却悔從前將作號
而今到老不離酸

端陽卽事

二日四日爲內人
及兒子浴初度

風物撩人句癖耽豈因節候始沈酣鴛鴦織扇疇云五
鸚鵡喧籠祝曰三浴罷蘭湯傳益智詠迴芳草得宜男
江天寥廓魚龍靜爲泛蘭橈是處探

夏初送黃副戎之任陽平

北弓瀚海靖天山慷慨談兵幕府閒忽爾樓船浮漢水
共看節鉞擁秦關地連巴蜀雲亾旦江繞褒斜月一灣
尊酒不堪輕話別江深夜雨冷刀環

秋日感懷同黎博菴分韻

蕭颯秋風聽亦慵依然睡起日高春過江共訝皆成枳
山海誰云未沒癰月到砧聲浮碧漢霜空岳響隱黃鍾
西山一望青無際却訪高人第幾峰

送金仲升狀頭之任皖江副戎兼懷其弟虎臣

昆弟皆余門下士

清時甲冑起元戎偉略雄文大將風把酒臨江今日事
賦詩橫槊古人同樓船六月魚龍度刁斗三山鸛鶴空

石園全集卷第九

八

香雪堂

為喜頃篋還迭奏一堂勲業紀彤弓

冬日送驛鹽道許鶴沙之任川東二首

令兄震城先生

石梁起草紀鴻裁偶借西江豕繡來望峻濟川真作楫
銜兼煮海并調梅偶馳星馭三巴遠會見雲帆萬里開
四海論交兄共弟寒江把酒共徘徊

由來岳牧重詞臣渝焚為閒簡命新鷁首晴分滕閣曉
猿聲雨濯錦江春浣花是處堪尋杜折柳何方不借恂
莫戀峨眉山色好鸞坡仍待掌絲綸

石園全集卷第九

石園全集卷第十

聽鶯草

往讀家供奉集有白田聞鶯詩亦草草寓目後寓安宜
數年夢寐懷歸再取讀之中有鸞老客未歸白田已縲
絲之句而後知其言之有味也今還里已五年矣昨冬
復以兒子裕公車北上攜至長淮視其渡河登陸仍返
安宜憩焉一春客旅風雨撩人間得隙霽輒同二三老
友登高閣望長湖而睨皖戴音倉康耀羽不減當年已
而買舟南還取道吳越以初夏之杪始抵章江而櫂歌
帆影入簫韶而雜鳳笙亦無日不在交交鳥鳴中故以
聽鶯名篇若曰雙柑斗酒往聽黃鸝欲以砭鍼俗耳鼓
吹詩腸則非此詹詹小言可當之也

石園全集卷第十

一

香雪堂

詩六十二首

送蕭韓坡翰編典試江右還朝

彤墀載筆倒詞源特簡掄材出紫闈入網珊瑚矜自賞
成蹊桃李妙無言文興八代風斯轉座擁三河道益尊
媿矣弱齡真忝竊共分鸞鳳集公門

送周菊人掌垣典試江右還朝

直聲正籍凜朝常爲借程材畀豫章瑣闥談兵宮樹曉
棘闈得士勝花香太原曾已推忠獻公司李涼州子駿何當識
景陽景陽門共說奎光今聚井夜來燭斗動寒芒

內人遠山有裕兒得雋詩未暇和也仲冬兒公

車北發余攜之而行南州解纜偶次原韻

新發公車曉角鳴相將鼓檣聽江聲牽衣膝下難離母
握手河干又別兄時長兄歸里挾策自堪空北冀承家端擬繼

西平青雲有路長安近會向慈恩紀盛名

庚子安宜度歲東喬聖任同年

相期不負歲寒盟恰好重來此合并客舍清閒聊自適
公車風雪最關情偏驚異地新梅柳却對同門老弟兄
爲待陽回春漸暖共攜斗酒聽啼鶯

除日對雪贈王合陽邑令

歲事崢嶸意若何重來依舊美絃歌六花飄砌寒仍劇
九陌迎暉景漸和曳履還珍仙令鳥臨池欲換右軍鵝

石園全集卷第十

二

香雪堂

便言州縣勞人甚律轉鶯啼得韻多

送兒北上歸舟雨甚中懷鬱鬱偶霍劔寒觀察

招飲放生池坐對深宵賦別

可堪風雨正蕭蕭漫倚蓬窗歎沓滴瀝知生遊子夢
殷勤忽枉故人招伊蒲供好宜僧寺時余如素檀版清堪響梵

橋尊酒論交情不竭開襟相與醉寒宵

辛丑元日試筆

時先雪後霽

東風吹夢繞天涯又向安宜度歲華爲報年豐先兆雪
漸看日暖欲蒸霞江鄉蘭砌新開蕚海國槐庭舊是家
却喜金臺兒且近馬蹄首躡上林花

人日懷內

春聲澹蕩入簾嬌，人日懷人故國遙。
漸擬扶藜尋五岳，何妨策蹇渡三橋。
花飛綵勝因風剪，柳拂蔬羹借露調。
寄語深閨應得句，草堂浮綺正雲飄。

穀日同襄父四弟遊普善葦菴二精舍作

纔過南菴又葦菴，春來遊欲徧精藍。
荒郊沙暖冰方判，野寺煙輕柳尚含。

時慧生講經

閉關禪定老

瞿曇

天僧

相攜不覺歸城晚，坐對鮮花一笑參。

得裕兒泰安州元日家報并寄小除詩喜用其

韻

春色因晴麗，閒愁借酒除。
偶思車馬道，忽得泰安書。
覓句風霜外，遊情筆墨餘。
應知登岱夢，偏近斗牛墟。

石園全集卷第十

三

香雪堂

附兒原韻

此夕爲何夕，與人報小除。
殷勤儲歲酒，珍重寄家書。
故國三千里，茅堂二尺餘。
孤燈清夜迴，歸雁亂荒墟。

上元前一夕，王合陽邑令招同喬聖任朱淡子
兩侍御讌集衙齋，因載酒步月觀燈，致足樂也。

歸而紀之以詩

蕭疎官舍倍澄凝，坐話深宵逸興興。
增滿架圖書摹古榻，一林松石擁高藤。
清歌聲徹香生月，紫陌尊移夜蹋燈。
攜手相將堪共醉，茲遊還欲續吾曾。

覽兒家報偶占

兀坐閒無那，燈花報好音。
書從元日寄，詩是隔年吟。
覽

汝思親語增余念子心長安今可到不復問晴陰

晚泊平河橋

河澗尚容船挑燈感寂寥春鐘來遠寺夜雨暗平橋湖
草寒難綠江梅冷易飄音書猶未達客夢自迢遙

無題

中懷胡鬱鬱偶爾湖淮流遠樹滕王閣微風燕子樓誰
云菱婦恤不厓杞人憂永夜難成寐溪聲到枕頭

孟春同張翁存黃甫及譙集黃蘭巖新園有作

四首

劈空選勝便成園豈有迂癡粉本存怪石移來雲外鳥
名花種就水邊邨蕭疎洞壑幽連屋高下亭臺曲駢門

石園全集卷第十一

四

香雪堂

應接爲言真不暇依稀芳草近王孫

園鄰韓臺

可是東山高臥時曠懷暫欲寄深枝登臨是處皆宜酒
位置何方不具詩小雨過橋人著屐古松流水客圍棋
煙光駘蕩春猶淺漸次花開不厭遲

凭高倚檻俯城低遠近煙雲野望迷一派瀟湘真入畫
滿園桃李已成蹊檐櫺綴霧寒新雨竹樹穿風拍舊堤
不少扁舟閒問訊漁郎恐誤武陵溪

徑路層層但覺深客來盤蹙費招尋鶴窺野水驚魚夢
鶯喚新晴亂鶻音遠樹寒梅閒吹笛小山叢桂漫攜琴
只愁捉鼻仍難免未許畱連愜素襟

鶴來詩并序

喬聖任回年往當六旬時正圖儀像忽一鶴從天飛
來依依庭階咸以爲瑞同人皆有贈言余以庚子之
冬再過安宜子卓年姪出以相示距今又十餘年矣
聖老福綏益健鶴兆豈偶然哉爰步海陵韻四律
數年歸臥大江西訪戴重來似剡溪握手相看人共老
披圖乃見鶴同棲三山弄影雪爲亂五夜凌空月欲迷
引吭如聞天外語客來尊酒且提攜

先分句曲到來奇況是傳神寫照時鳳羽並堪浮碧落
鶯聲同好聽安宜青田啄粒遺篇翰白露橫江繞夢思
此日相期能再過爲從杖屨更怡怡

閒庭高步愜幽清薛稷絲來獨擅名拂澗丹歌傳洛浦
寥天素履下層城煙雲點染何年筆松竹叢霄幾度笙
記得主翁臺柏日九臯同調一時鳴

仙仙標格迴千尋傾市乘軒別有心閱世只疑羣弋雁
焚香好伴寫來禽襪襪爲破雷門鼓嘹唳還賡閨苑琴
何得風流成二老年年振翮泛湖陰

王鐵山相國仙逝三年矣歸舟偶過始得恭拜
而哭之以詩

四海心知有幾人可堪寥落對殘春荆門詩酒疑如昨
燕市悲歌散若塵賸有疏章傳相業還餘風節凜朝紳
幽花細草芊芊綠不盡湖光照碧燐

雷別王合陽

設心每喜過衙齋小院春風日夕佳爲有彈琴來逸響
遂因對酒暢幽懷臨池好覓澄心紙落筆疑同折股鈿
公善臨池我欲南歸方鼓楫盈盈一水隔長淮

同園雨坐

獨坐閒亭鳥自啼小橋流水漲橫溪後堂絃管人如昨
善便前路雲霄手共攜時表臣弟同兒趁公車知賞奇文同冀北誰移

怪石過湖西扁舟暫欲乘風去一派煙光隔小隄

上巳南歸喬聖老載酒聯舟送至汜水即席賦

別

話到分攜便減歡祇餘詩酒共盤桓人因花發思歸易
老覺情深惜別難最好聯牀同汜水可堪孤棹下邗關
遙知後夜思君處槐角樓前野夢殘

石園全集卷第十一

六

香雪堂

寄樓八寶自冬徂春上巳南行始得與鶴林一
晤而別舟次偶閱所刻閒居詩依韻和之五首

幾載悲鴻雁逢人問鯉魚誰云千里道不及數行書君
自珍新旭余今返舊廬仍存湖海氣行矣慎終初
何所聞來去即余不自知養花雲澹澹改火日遲遲過
眼皆成棘傾心豈藉葵皇初疑未遠彷彿記同時

一晤甘成別荒江澹遠暉清華私水木癖癩謝冠衣湖

漱還如昨韜仲在湖西吳川惜未歸千一爲浙游天涯空有念珍重北

山薇

誰譜楓香調聲聲響過雲離猶情可遣見反袂難分遊

屐何山是聯牀永夜聞只疑萍泛處還似未離羣
但知胷格格相對竟忘言洗藥分檐溜攜尊款竹根神
惟存肅穆語豈問寒溫覓得扁舟去空江過石門

內弟羅達生客死維揚觀寄報功祠清明前一

日東芻拜之因哭以詩

記得當年此共遊今看旅櫬寄祠頭荒涼候自驚槐火
寂莫人誰市麥舟灑淚江天鄉路隔傷心風雨遠泉流
爲言令子情堪憫定欲招魂返故丘

暮春偶過琴川漕使石臺姪招同我菴辰玉二
宗丈遊虞山歸舟酒酣詩以紀之二首

春遊勝事未全慳纔得新晴看好山花鳥欲殘人乍到

石園全集卷第十

七

香雪堂

琴尊相對主能閒石頭歷歷籃輿度波影鱗鱗畫舫還
何處疎鐘雲外落霏微燈火簇林灣

盤盤徑折入高峰勝具還堪謝短筇望海祇疑來別島
銜杯恰喜集同宗星分檜葉寒幽壑風勒泉聲響亂松
不盡探奇原有約涉江猶自采芙蓉

時訪牧翁於芙蓉園

訪錢牧翁於芙蓉莊兼祝八旬初度

一水灣環正到門蕭然第宅即林園滄桑閱盡人難老
文獻留來達有尊草滿長湖明綠野煙分綺陌擁紅邨

邨名紅豆

蓬萊似覺仍清淺但說磻谿未可論

過七星橋弔毛子晉其三郎皆彬彬佳士也因

留信宿有贈二首

欲訪人間未見書輕舟搖曳到階除風翻紫陌邨煙合
香入青藜墨瀋舒束帛未違千里約班荆猶憶五年餘
琴聲如在芝光滿荒野人傳有素車

春歸鳥語出林梢偶過星橋度水坳架擁豕魚分夜火
門閒雞犬散晴郊照人古道陳緗帙愛客清尊饌素庖
小集爲煩警校美相從梨棗篆深交

西湖雨中

五年兩度到湖頭何事蒼茫苦未留賸有鶯花同我老
還疑風雨妒人遊嵐迴山色層層異水漫濤聲處處浮
江上扁舟歸去遠依稀猶記舊秦樓

西湖憶內二首

石園全集卷第十

八

香雪堂

曾共山樓憩重來遂五年春歸桃葉兩秋老菊花煙別
緒情難問聯吟句已傳還宜攜手至酣暢對湖天

爲愛溪山入畫圖向從攬勝過西湖共成好句酬林謝
更企高風憶白蘇小立橋頭攜孺子輕敲月下訪鄰姝
謂黃皆令只今獨對斜陽晚歸夢迢遙已到無

初夏西湖與施尚白學憲同寓僧舍對酒泛舟
恨相見晚尚白有詩見投依韻答之并以爲別

二首

相逢客路共禪宮詞賦原推一代雄取友常傾天下士
程材直逼古人風何當對酒明湖側真可論交細雨中
山色敬亭知好在攜將勝句許誰同

欲度嚴陵問釣磯，匆匆判袂與心違。多君譽望行圖閣，老我風塵久息機。煙樹迷離仍酒舫，江山蒼莽尚戎衣。低徊漫作湖頭別，贏得孤帆帶雨飛。

西湖辰玉宗太史，招同施尚白史公，升葛霜華。

王于一舫集

消得行程片刻慳，幸同好友看湖山。夕陽半落雙峰外，風雅全收一座間。水拍斷橋酣雨屐，歌生孤嶼老煙鬟。最難無事今宵聚，盡簡閒愁對酒刪。

錢塘晚發

又作西湖別帆開，水國遙魚龍驕。夜雨鶴鶴響晴潮，江自成一折人還記。六橋雲山纜極目，一櫂進岩峴。

石園全集卷第十

九

香雪堂

桐廬晚泊

漸近嚴陵瀨，煙嵐莽未分。峰危全嵌繡，縣古盡藏雲。澹月澄宵柝，空江影夕曛。孤舟宜此泊，彷彿對桐君。

進帆富春山

東峽奔流迅，懸嵐結翠奇。曾逢還櫂日，又到上灘時。窗溼千尋雨，船牽百丈絲。濤聲疑有怒，知是過胥祠。江上亭，子胥廟。

試泉

嚴灘泉陸羽品為天下第一十九

買得新茶正，兩前箸籠封好。未曾煎攜來，欲共先生飲。為試臺邊十九泉。

釣臺

幾度嚴灘過，雙臺總未登。幸非名利客，猶若往來僧。老

樹低殘照荒碑繡古藤羊裘今不貴碧浪自層層

烏石關

瀧頭行盡幾灣環列嶂交牙鎖碧瀾又恐上游流未感
屹然烏石獨當關

嚴州

睦州自昔盛隋唐如駛雙流盡日長通嚴州至清山是處懸厓臨

古塢幾回碧溜枕崇岡雲中雨洗芙蓉美秋到風飄橘

柚香芙蓉橘山音郡隸懷交不堪人並杳徽宋二年元皆成古人矣烏龍遠望鬱蒼

蒼

近三衢江干有古樟一株枝幹盤結土人言明

太祖曾駐兵此地名樟樹屯

石園全集卷第十

十

香雪堂

姑蔑江頭立老樟千年蟻結飽風霜行人欲問屯兵處

翠輦曾臨古戰場

過廣信

籃輿纜下又登舟風送濤聲擁急流此際但知輕舫疾
昨朝正苦上灘愁黥崖突兀無纖草碧浪翻飛蕩遠漚
何必嚴陵稱險絕江鄉亦自快奇遊

題畫三首

青山一抹樹參差小石臨流影自移亂放桃花春晝暖

高樓有客坐題詩

深巖斷岸竹蕭蕭却向溪頭架草橋似有幽人林外約

孤行策杖不知遙

隱然雲山才亂流層巒古樹足深幽問君獨往緣何事
本是探奇到盡頭

江淮初歸和饒型萬都垣春雨五首

還家纔幾日惜別念文無忽枉愁霖語仍疑聽雨途非
歌歸短擢灌莽起長吁賸有殘山在依然且愛吾
空有同人思難期靜者過尋流來梵響望屋聽漁歌每
欲珍燕石何嘗問魯戈三春微旭到總計苦無多
蓋是冥濛地容光不放明擢船迷賀老躡屨謝虔卿礎
溢庭中潤蟻生海外晴微吟聊自適膝上一琴橫
望望江湖去蕭然四座平灘聲交鳥語樵影亂魚汀古
木連雲斷孤光帶雨明川梁行自度疲矣又忘情

石園全集卷第十

十一

香雪堂

采葛疑無路分琴可爨羹刺懷空漫滅盟結總荒成屋
結下棘市花慳九錫旌不知霄漢客曾否念勞生

辛丑閏七夕

秋空又見渡河時還恐雙星是夢思兩度填橋勞鵲羽
再煩送巧累蛛絲停梭不信逾年約泛斗仍尋隔月期
可是嫦娥增一妬盈盈隔望誤情癡

偶書蕉葉

綠窗簾靜日遲遲沈水香銷淪茗時炎暑晝酣殘夢覺
呼童翦葉寫新詩

秋山紀遊

辛丑秋日以亡弟之慟舟歸文水為經紀其喪葬事情

緒甚惡偶取同里羅文恭先生集讀之見其屢過虔寧
訪黃洛邨何善山二公備述羅田巖之勝不無仰止適
有便舫溯灘而上徑抵古溪顧其山水而樂之惜以歲
晚匆匆返櫂不及編諸名勝然嘗嚮窺斑固已畱有餘
不盡於他日也往還得詩不多原不欲存特以易去浮
梅子鶴二孝廉已爲刺行故不能自諱云

詩十八首

辛丑閏秋月櫂舟歸里時有亡弟之痛

尋來何處有桃源却趁秋閒訪舊園極目不堪驚雁影
傷心忍復問鷄原蒹葭水遠霜澄岸砧杵聲空月滿邨
誰是甘棠餘翦伐灘聲淒斷入沙痕

石園全集卷第一

十一

香雪堂

九日飲蕭孟昉過般若寺贈漚若僧二首

三十年來續此游蕭然一榻寄清秋黃花不笑陶潛醉
白社仍爲惠遠留恰好登高憐暮雨可堪弔古問春浮
山僧莫話從前事相對何人尚黑頭

天涯趁得此閒身每過溪山倍愴神鏡冷芙蓉空翠黛

時中伯
王大人

愁深斤斧減蒼鱗採木反
於春浮城頭但有催租吏籬外誰

傳送酒人拾得落英聊共賞禪房花木爲誰新

秋暮過雩陽訪在公宗明府兼懷令伯五絃宮

保

欲聽絃歌策短策竭來千里泛遊蹤曾聯案署同常伯
久附盤根託大宗長水灘聲流碧落亂山秋色繡芙蓉

環觀郊野渾如畫知有春陽徧四封

同嘉卿去浮子鶴三年丈遊生佛寺二首

側身天地盡吾儔為訪僧伽紀勝遊老寺松杉浮碧落
芳事 營碑 有李少 鴻碑鬚眉儼矣留生佛拜跪奇哉

問野牛時有 牛異小飲祇疑同白社山城角動影寒流

曾向西湖禮定光果然有佛起雲陽傳來篆印風雲護

猶存鐵印 在巖得歌聲市井狂生佛 當年滿路丹楓驚葉落一林白日照

人忙荒祠寂莫憐灰劫陽明先 生祠毀誰弔斜暉古戰場聞舊為 屯地

家在公明府招同黃嘉卿易去浮梅子鶴遊羅

田巖次石上韻三首

和岳武穆

石園全集卷第十

十三

香雪堂

精忠一代表人龍也向靈巖寄遠蹤澹墨幾行僧院寂

六橋霜月凜英風岳墳在 西湖

和周元公

孔顏樂處抑何尋古柏剝膠石閣陰為想東南倡道日

春風遙共舞雩心

和羅文恭

石蓮名蹟在山水發遺音為紀來遊歲知同異代心 先生 亦以

辛丑 遊此雲生空梵響泉落蕩秋陰不盡摩崖思徘徊古跡深

謁周元公祠

侶道東南盛此邦先輩諸先生 皆講學羅巖春秋猶自走旌幢春秋二祀 至今不廢池蓮

為愛泉遺井庭草不除月滿窗河洛傳心來庾嶺二祀 業南安

濂溪書閣重姚江

閩字爲陽明先生書

看誰識得先生意柏列巖頭

野水淙

灌瓦研詩

并序

余家有古研得之金陵老友薛更生其世藏也研形五瓣若梅花色如金粟藏經紙中邊血斑翡翠隱起似出土銅叩之作金玉聲細膩發墨亦奇珍矣相傳爲灌嬰廟瓦洪容齋守贛時獲於雩廟左池竅爲研銘以章之語載續筆中辛丑秋日余偶遊雩陽考郡邑志益信志云研重十斤利闕兩角其光沛然色正黃余研光色則同但厚止二寸許重不及十之一二豈後人剖而成器不止余之一研邪嗟乎灌將軍在

石圃全集卷第十

十四

香雪堂

矣今欲尋其廟之故址無有識其處者獨此一研令人憑弔欷歔而不忍置此吳融所爲賦古研有塵土依人而伍瓊瑤句蘇子瞻銘龍尾而云閱人於古今蓋感慨係之矣因賦小詩貽同志者和焉以成一段佳話云

梅花研久伴燈青金質黃流筇古硯漢代何人尋灌壘雩陽有志紀洪銘方之銅雀歌鐘遠潤以玉蝓戰血熒珍重傳家供翰墨毋煩端歛跣山靈

聞水南有新菴偕去浮子鶴兩年文往遊爲題其牘曰笠渡晚歸并尋紫陽觀智門寺舊蹟時陽月朔之六日也二首

似有招尋處無嫌濟勝來路從行旅關山憶老僧開亂
竹叢花圃空林鬱梵臺一江清見底涵影共滌洄
笠渡纔題牘臨流久問津不耽巖壑癖偏結往來因伐
石成橋古烹蔬入饌新時危懷一飯媿殺老蹄輪

畱別去浮子鶴二年丈

文恭當日訪黃何甲子重逢我又過但說遊情仍汗漫
即云聞道已蹉跎巖頭稽古千秋遠旅舍論文二仲多
簡點奚囊歸去晚扁舟風雨載煙蘿

客度欲歸矣適周討百司李自章門來招飲衙
齋酣飲幾於達旦且見其小郎英異殊愷即席

賦贈

石園全集卷第十

五

香雪堂

一櫂章江返雙流分外澄論文刪綺語對酒話深燈古
道存河洛討百新詩老杜陵灘聲紛入耳漸欲刺寒冰

題討百司李西山訪道遙圖

策杖遊何處蕭然不履衫相逢山下叟疑授枕中函石
語飛危瀑雲容冒古杉他年霄漢望一記籠靈巖

擬構小園自嘲

每賦閒居苦未閒茅亭欲構兩三間纔栽桃李兼移竹
擬著亭臺且疊山徑小宜教花爛熳地偏應使路灣環
胷中位置差成緒媿殺囊空一笑慳

移竹

爲愛瀟湘夜雨寒移來遠寺碧琅玕留將舊葉隨風舞

漸有新陰待月看
勁節真堪栽鳳笛
疎枝耐可選漁竿
何人共發谿山權
把臂深林詠考槃

石園全集卷第十

石園倡和之

淡情深芳草

死之荒涼香

復世態千移宜

疊遭巨測風濤浩

寒芒遇者履困而

馬亦入面交收有



槩夫非以其源濬

奇特感轉于階

萬水車翻楊錦

穿君子陽陽左

道結

以

可

石園全集卷第十一

倡和初集上

盤根仙李長庚新謫於人間積慶璇源張星舊駐於天上
媿茲嘉耦嗣以徽音思美人兮西方降帝子兮北渚
陽律六陰律六吹鳳管以參差前唱于後唱喁拊鸞歌
而叶應珊瑚筆格綠沈之管交揮玳瑁書籤雲母之箋
雙擘花深網戶每刻燭以分題燕乳綺疏或攤書而徵
事芙蓉秋水筆花與臉際爭妍楊柳春山煙黛並眉間
俱嫵東吳才子金閨傳內史之篇南國佳人玉臺寫令
嫺之什珠林琪樹洵彤管之美談金柯玉枝實天潢之
盛事丹樓煙燼朱邱灰飛交語而腸斷白衣登車則淚

石園全集卷第十一

一

香雪堂

露紅袖倚與燕婉變彼鴻休在御之琴瑟依然中庭之
蘭玉滋長雕軒文駟驂玉馬以北朝翟第鞠衣伴角巾
而東下水精簾幕鎮日焚香雲母丹黃千年辟蠹輪依
桂樹無復月孤矢激蓮花惟應天笑豈若敬通見抵但
對孺人子美漂流長隨妻子又況衡陽飛雁空約刀環
蘭滄鯉魚難傳錦字望曰歸於六詔怨其雨於三春者
哉伊余生穉之年爰有齊牢之遇絳雲東閣綠窗署禁
扁之新題紅雨西冷紫陌誦天桃之舊句勞勞頰尾依
依白頭茗椀熏籠雜居煙爨縹囊細帙夾注米鹽笑十
指於懸錐嗟滿頭之蓬葆憐茲顛顛覩此芳華託副墨
以歸詒俾殺青而傳寫願借光明於東壁敢希嘖感於

西家沈香小像庶幾得染妙熏刻玉芳名抑亦附垂墨
會云爾虞山蒙叟錢謙益撰

嘗攬閨閣之名篇輒有香奩之逸豔未窺壯采罕聽高
徽豈機雲之秀有別鍾而光岳之靈無全畀與乃今讀
石園倡和之詩儼然翟第英雄之槩夫非以其源濬銀
潢情深芳草流覽乎楚水燕山之奇特感悼乎隋堤吳
苑之荒涼黍離麥秀旣慟殷周鐵馬冰車親傷鋒燹況
復世態千移宦途九折幸際清寧君子陽陽左圖右史
疊遭叵測風濤浩浩前膽後茶而作者有相之道紳笏
寒芒遇者履困而亨琴瑟靜好有時拈險韻以塞奇司
馬亦八面受敵有時領詞媛而角句諸姬咸五色相宣

觚稜金爵想見沈思殘月曉風輸其逸調斯固詞壇之
錦織藝苑之琪株豈與撒鹽飛絮偶爾稱佳其兩朝陽
篇什流美者可同日語哉余不佞樞掖鋒輪曾隨司馬
十清三洞遠揖飛瓊讀君倡和集中見朝廷有道思良
弼之句不覺斂衽正襟再詠從古惟聞四時存芝草可
馨冥鴻自遠悵何如也媿何如也新建熊文舉撰

癸巳之夏攜家南還患難之餘此身飄泊幾同擗吹寧
獨舟如斷梗泛泛若水中之鳧哉蓬窗臥疴筆研幾欲
焚棄內人每拈題送韻不爲交謫之言多有開愁之句
古人云休官不謀之妻子豈其然乎日久途長駸駸成
帙因取從前倡酬諸詩選付鈔棗見十餘年懷抱之惡

不至抑鬱委頓者得此慰藉良深耳夫冀跛躬耕負盛
相敬鹿門偕隱矢志同歸古今猶豔稱之而況余兩人
之于喁自適金石相宣即言之無文不暇計矣但余職
倡而詩多屬和亦以見愁思要眇書空咄咄之大槩良
足二歎云爾乙未秋日梅道人識

詩四十七首

辛巳元日泊湖口對雪

梅公

石鐘清越度元辰鷓首光搖客路新蠹水聲涵增窾坎

用子瞻石鐘山語

廬峰花氣鬪嶢峴蠹城似壯王孫節鶴鬢還飄

玉宇春極日太平應有象行將授簡賦翔麟

和

朱中櫂遠山

石園全集卷第十一

三

香雪堂

瑞煙香靄慶芳辰雪色飄梅錦袖新片片瑤花封埤塊
層層玉甲擁嶢峴寒生畫舫平湖徹醉敵金貂上苑春
漢闕龍文看咫尺承恩有待繪麒麟

秋月聯句

夜長人靜月初斜遠點點流螢透碧紗何處徵歌催玉

笛梅幾年羈戍怨蘆笳雁聲遠度銀河曙遠桂影閒飄御

苑花尊酒相看和露醉梅不將清夢繞天涯遠

乙酉元旦試筆

梅公

斗柄初回氣不寒依然春色在長安未須節物驚時代
仍有威儀列漢官萬里鄉關空悵望天涯妻子且團圓
歸思欲問桐江水擬把嚴陵一釣竿

和

吹徹鐘聲柳色寒
氤氳佳氣報平安
檐前鸚鵡傳新客
殿內威儀感舊官
為羨吾兒承色笑
相看夫壻喜團圓
歸期定在花香候
碧浪粼粼把釣竿

遠山

雨餘聯句

雨過天如洗
遠霞飛晚正晴
涼風分被濕
梅花氣透簾
明已覺詩情冷
遠還憐酒力輕
有懷何處劇
梅共起故

國何遠

贈梅君

遠山

天熱官仍冷
市喧人自閒
穉兒方解語
共喜說還山

和

梅公

石園全集卷第十一

四

香雪堂

擾擾紅塵裏
官閒念未閒
南歸歸在望
倩夢到家山

偶占

遠山

點點新荷帖
水雙雙好鳥鳴
枝閒步涼亭
對坐戲拈紈

扇題詩

和

梅公

暑退涼生小院
花移月上高枝
愁極把杯對飲
閒來分

韻吟詩

小苑納涼

遠山

月上小樓人靜
風和遠寺鐘聲
為撲流螢熠熠
任教寶

鬢釵橫

和

梅公

風過花枝有態庭閒籟寂無聲佛案爐煙正細天邊斗
杓初橫

雨餘登避暑臺

遠山

晚妝纔罷試齊紈夏木陰陰落照殘欲向層臺窺遠壑
偶飛疎雨染重巒濕雲緩度鶯聲老涼月還生燕語歡
共挹荷香思茗飲輕風有意送梅酸

和

梅公

凭高一望怯冰紈舊雨檐雷續漏殘萬戶炊煙迷遠樹
幾朝劒氣鎖層巒風生小閣微雲度月到深杯永夜歡
爲憶故園芳草外可堪回首話辛酸

七夕次日立秋

遠山

石園全集卷第十一

五

香雪堂

雨過煙消愛晚涼風回陣陣藕花香忽驚遠市吹羌笛
還記深宮奏夏簧點點漏聲催夜盡盈盈河畔度星忙
明朝又值新秋節且放閒愁對羽觴

和

梅公

朦朧澹月送新涼爐篆閒添小院香殘雨未消寒筆葉
輕風初度試笙簧秋生井甃吟蛩細水泛河橋駕鶴忙
漫說江東蓴膾美清宵相對且浮觴

秋日即事

遠山

金風吹月白玉露染楓丹燕去雕梁靜蛩鳴翠草殘花
開陶令宅水泛子陵灘砧訴閨中怨人羈塞外寒小窗
頻墜葉高閣有層巒釀熟堪同賞螯肥可共餐簪鈿

睡鳥池柳繫歸驢

說文驢馬名

陣陣飄蘆絮閒鷗立釣竿

和

梅公

雁度蘆花白蟾清桂影丹風生涼漸覺露淺暑方殘歸
夢隨樵徑閒心到釣灘角鳴軍騎肅斗犯客槎寒玉笛
吹邊月金梧落井闌子能同小飲婦每勸加餐歛乃堪
乘櫂傳呼看策驩瀟湘蘼薜好何日理漁竿

出都寓津門候梅君不至偶成却寄二首

遠山

重幕香消永夜寒小窗無月一燈殘漫論往事如碁局
夢向臨期憶釣竿研結冰花傳雪信書裁尺素問平安
雁聲遠度關河冷早策歸鞭歲欲闌

石園全集卷第十一

六

香雪堂

栖鴉啼散滿林寒宿雪檐前曉夢殘呼婢敲冰飛玉蝶
看兒刺橋當黃冠濃霜凜凜侵裘薄倦馬蹒跚怯路難
醜酒持螯堪共醉津門聊借一枝安

出都至務關得內人寄來素紈二詩依韻和之

梅公

黃沙翳日晚雲寒匹馬驕嘶客路殘野店煙封迷獵網
長河凍結冷漁竿漫傳西使能追信

時有浪傳起用者

只合東山

可臥安得句不須愁歲暮

楊夫人有歸飛倦鳥意先闌

吳綾裁就剪刀寒爲寄新詩曉漏殘弓冶但堪娛象舞

鬚眉久已媿貂冠鴉翻古柳寧棲易塵起西風欲障難
爲指津門今漸邇愁看直北是長安

有客

梅公

有客談遺事殷勤問往年情飛滄海外淚落夜燈前荒
塞聞鸚鵡空山泣杜鵑一尊聊取醉身世總茫然

和

遠山

身世蒼茫裏烽煙已數年旅愁春候覺歸夢草堂前花
徑迷蝴蝶家山映杜鵑枝頭聞鳥語猶自說燕然

聞鳩

梅公

臘有煙花好言尋草樹無雁歸春事劇鳩喚客情孤海
國饒魚婢山居想木奴扁舟何日去閒眺獨躊躇

和

遠山

急問南來雁家書曾到無地寒花尚少天迴月還孤雨

三言十

石園全集卷第十一

七

香雪堂

歇啼鳩婦潮回散蟹奴故鄉千里外相對幾躊躇

桐吟

梅公

庭階佳樹植徒倚對斜陰柯影疎移日晴煙薄綴林雲
生遲鳳羽花發待春深別有輕風至蕭蕭響鑿琴

戟門

梅公

戟門簫鼓日三撾鈴閣深深小院斜獨有春光偏解事
却能委曲到官衙

和

遠山

江南社鼓日頻撾紫燕紛飛帶落霞何事春歸歸未得
天涯猶自滯官衙

同王少司空鐵山郊行三首

梅公

並馬出郊原狂飈盡日喧平沙迷戍色駭浪沒潮痕帆
影河邊路炊煙野外邨亂流爭渡晚幾蹋小船翻
歸騎問如何殘陽澹夕波橋危遲馬足燈亂起漁歌斷
岸惟呼鳥連檣盡載戈偶來尋小憩閒讓老僧多
春事已茫然遊情此日偏可堪明月夜不醉草堂前短
燭侵棊局深談落茗煙沈沈更漏迫爲報客心懸
時寓津門聞家鄉有警萬騎南征夫子夜乘小
艇過王少司空寓奕棊遣悶醉月而歸余挑燈
坐候雞已三唱矣出三詩見示走筆屬和

遠山

久客傷春晚遙聞水市喧落紅迷鳥迹乳燕啄苔痕烽

石園全集卷第十一

八

香雪堂

火驚南浦戈鋌度北邨愁懷千萬結不寐幾回翻

出郭尋良友輕舸映遠波醉聞楊柳曲歸唱白鞵歌客

署方傳漏家園未息戈團棊消夜永應笑酌無多

俟久更將盡閒吟燈影偏殘鐘敲野外斜月挂樓前嫩

竹凝新露餘花醉夕煙鄉書今杳杳方寸若旌懸

春歸

梅公

載酒遊曾幾出郊深衙何異卷衡茅桐孫引露抽新葉

燕子銜泥補舊巢客邸煙光容易老故園松竹等閒拋

多愁欲遣隨春去春去愁仍未肯交

和

遠山

春歸和夢出江郊夢到家園理舊茅陌上曉風抽細麥

梁間午燕語新巢乍看遠樹炊煙合久坐閒庭柳絮拋
無數落花蠶采去紛飛簾幕影相交

初夏夢中得早鶉一聯曉起續之 遠山

檐鈴驚曉夢曙色隱殘河藻密魚難辨簾疎蝶易過鐘
聲來遠寺鳧影動微波碧水堪垂釣絲林學引囿早鶉
啼綠樹圓露瀉秋荷鷗鼠皆為鷓水蠶悉變蛾客雲歸
染岫鄰女怨停梭麥向風中熟蟲從雨後多慵妝看子
燕摘葉餒雛鵝為續義皇句詩成韻不苛

和

梅公

荒荒沈白日渺渺念關河午夢殘花亂空階細羽過陰
濃林掩蓋浪急海翻波淵靜魚驚餌天高鳥避囿盧岳
雲為岫瀟湘衣是荷風猶能舞蝶月每學窺蛾蛭翼疑
縈潑蛛絲欲網梭蘭橈殊域少芳草故園多音斷誰傳
鶴書成不換鵝閒來知畫水煮茗滌煩苛

新茶寄內

時高滌
河蕭寺

梅公

別幾何時歎索居茂凌渴自笑相如品泉爲喜龍圍到
試火偏宜蟹眼舒長日滌甕醒客夢清宵添篆課兒書
酥漿夏羨金莖美一榻疎鐘臥佛廬

和

遠山

清泉初試憶雲居蕭寺閒吟景自如夢好不隨青鳥去
茗來却訝錦鱗舒開緘漫羨新裁句翦燭頻看屢寄書
久客未堪重作客干戈何日靜匡廬

五日自潞河歸津門二十韻

梅公

孤櫂夷猶恣意探歸疑漁父莞湘潭忽驚節物時重五
爲念荒涼徑有三爛熳榴花欣並葉菁蔥萱草愛宜男
梅霖過後朱櫻美槐火焚時絳荔甘虎葉紫絲垂玉燕
蟬蛸翳霧試冰蠶枝頭鷓鴣言誰教地裏蟾蜍墨可含
海國魚龍來雨氣關河雁鶩掠晴嵐沐蘭勝賞香凝簞
躡柳風生馬度驂故里風煙今正熾他鄉景味我奚堪
兵符久解羞還佩水鏡無文嬾再談每憶雲泉烹散筍
空懷雪碗釘黃柑天隨杞菊餐同苦彭澤糞桑隱豈慙
芋服裁成驕錦帶葵箋寫就付琅函芰荷影動遊手豔
竹篠思深飲未酣坐看蜻蜓飛戢戢閒聽雛鵲學喃喃
欲因采藥尋仙圃偶自焚香對佛龕得句敢云因性癖
浮生終是負林慙賜袍忍讀翔麟賦櫛髮虛憐玳瑁簪
賸有窮途悲阮籍不將清興說蘇耽幾回繞樹寧棲羽
何處誅茅可結菴漫擬離騷招楚客長歌一曲大江南

和

遠山

地接蓬瀛任所探扁舟何日泛分潭

潭在吉水

椿萱歲越今

逾九兄弟時憐但有三采藥盈筐懷益母書符結縷佩
宜男移尊共向花前醉壁藕還因雨後甘幾度幽香深
院裊半彎斜月遠林含層雲掩映迷芳樹落照依微度
翠嵐鶴草不須煩媚蝶鸞笙每欲動歸驂千頭種橘寧
無念萬里浮家未可堪却羨數雛環茹哺偶來雙鶴助

清談輕風澹宕消殘暑閒署蕭條憶寸柑戲和新詩君
勿笑為聯險韻我何愁鴛鴦並浴翻荷蓋鸚鵡頻餐啄
玉函茗戰晚煙炊細沸蟲狂宵鼓劫雄酣寒冰滴瀝聲
催句暝鳥迴翔語覺喃刻艾懸庭驚燕戶伊蒲繡佛對
禪龕鹽梅空負調羹美蒲酒聊斟供饋慙飄泊漫欣曾
解帶逍遙雖喜早抽簪忽雷纔撥鄉思集方響慵敲旅
夢耽借隱宜從翰墨圃同游直到買山菴家有此菴稱兒聽
說家園好解望開河問指南

己丑元日試筆

時客潞

梅公

旅館蕭條歲籥更煙含潞柳倍晴明十年每負還家約
百里空傳去國情客舍有懷堪夢燕上林何樹可遷鶯
流澌漸影南枝動看到春風畫舫輕

石園全集卷第十一

十一

香雪堂

和

遠山

笑看兒童識歲更三津曙色入霞明連宵共話他鄉夢
幾載空懷故國情庭樹春回堪舞鳳林花日暖待鳴鶯
風催柳色河橋綠一醉屠蘇萬事輕

舟發津門

梅公

鶯花撩亂伴還鄉鼓角猶生客路光三徑未能營鑑曲
古水一枝高擬寄雷塘揚州十年飄泊難回首萬里煙波豈
斷腸岸影頻移春欲盡不堪醜酒對河梁

和

遠山

十一年來滯帝鄉幾番愁思度春光歸帆漫逐桃花水

卜築還營固本塘

用李吉甫淮南事

岸岸垂楊侵客被邨邨斷井

感人腸篷窗共對閒烹茗海燕何時穩畫梁

石園全集卷第十一



12363

